

德化縣志卷第十一

知德化縣事

高錫三補輯

鄒文炳再輯
陳鼐續輯

壇廟

社稷壇去府治東北一里許故景德寺址按舊府志云宋在迎恩門外元季兵燬明洪武二年知府龔琬於景德寺故址復立壇壝八年知府周文質始遷於今所十二年知府王吉重修宏治三年知府童潮因漸近頽敝捐資重葺

國朝雍正二年刊圖頒行雍正十一年知府蔡學顥知縣

德化縣志

卷十一 建置

壇廟

一

張思恬修建累石爲壇高三尺橫縱各二丈五尺四出陛各三級繚以短垣四面爲門飾以丹從北出入壇設石主二長二尺五寸方一尺立壇土中不鐫神號外置木主二高二尺四寸寬六寸座高五寸寬九寸五分左書縣社之神右書縣稷之神

時日順治元年定每歲春秋仲月上戊日致祭十五年復定時辰用上戊日子時

齋戒前期凡一應執事官員人等各於家致齋三日

按

大清會典凡致齋大祀三日中祀二日小祀不懸齋戒牌
亦不致齋所戒不理刑名不宴會不聽音樂不入
內寢不問疾不弔喪不飲酒不食葱韭薤蒜不祈
禱不報祭不祭墓其有灸艾體氣殘疾瘡毒未愈
俱不許陪祀

祝文乾隆九年頒

文曰維 神奠安九土粒食萬邦分五色以表封

圻育三農而蕃稼穡恭承守土肅展明禋時屆仲

春秋

敬修祀典庶丸丸松栢鞏磐石於無疆翼翼黍苗佐

德化縣志

卷十一建置

壇廟

二

神食於不匱

陳設雍正二年頒定每位用黑色制帛一白磁爵三羊一

豕一鉶二簋二籩二簋四豆四

祭品鉶實和羹籩實黍稷簋實稻粱籩四實形鹽鯧魚棗

栗豆四實菲苴醢醢菁苴鹿脯

祀儀乾隆四年頒定正祭日各官具朝服至壇贊禮生引

至行禮處通贊唱排班承祭官及各官排班立唱班齊

座毛血迎

神贊引生贊跪叩興承祭官及各官俱行三跪九叩禮興

通贊唱奠帛行初獻禮贊引生引承祭官詣盥洗所盥
洗畢詣酒尊所司尊者酌酒詣

司社神位前承祭官至案前立贊引生贊跪承祭官跪贊
獻帛司帛生捧帛跪進承祭官受帛拱舉獻畢贊引生
贊獻爵司爵者捧爵跪進承祭官受爵拱舉獻畢贊引
生贊叩興承祭官叩頭興贊引生贊詣
司稷神位前承祭官獻帛獻爵如前儀畢贊引生贊詣讀
祝位承祭官詣讀祝位立贊引生贊跪承祭官及各官
皆跪贊讀祝文畢贊叩興承祭官及各官三叩頭興贊

復位承祭官就原位立通贊唱行亞獻禮贊引生贊詣
神位前獻爵如初獻儀畢贊引生贊復位承祭官復位立
通贊唱行終獻禮贊引生贊詣

神位前獻爵如亞獻儀畢贊引生贊復位承祭官復位立
通贊唱飲福受胙贊引生贊詣受福胙位承祭官就位
立捧酒胙者捧酒胙至福胙位右旁跪接酒胙者在左
旁跪贊引生贊跪承祭官跪贊飲福酒承祭官受爵拱
舉授接爵者贊受胙承祭官受胙拱舉授接胙者贊叩
興承祭官一叩頭興贊復位承祭官復位立通贊唱謝

福胙贊引生贊跪叩興承祭官及各官俱行一跪三叩
禮興通贊唱徹饌送 神贊引生贊跪叩興承祭官及
各官俱行三跪九叩禮興通贊唱讀祝者捧祝司帛者
捧帛各詣望瘞所通贊唱望座贊引生贊詣望座所承
祭官至瘞位立祝帛焚半贊禮畢退

風雲雷雨山川城隍壇舊府志云在府城之南文明門外
二里許明洪武二年知府龔琬置立

國朝順治初定風雲雷雨山川城隍之神共爲一壇雍正
十年知府蔡學顯修定安設神位風雲雷雨之神居中

德化縣志

卷十一建置

壇廟

四

山川之神居左城隍之神居右其壇制與社稷同上立
石主三如制外置木主一書風雲雷雨之神一書境內
山川之神一書本縣城隍之神

時日自順治初定每歲春秋仲月上戊日致祭

齋戒與社稷壇同

祝文乾隆九年頒

文曰惟 神贊襄天澤福佑蒼黎佐元化以流行
生成永賴秉氣機而鼓盪溫肅攸宜磅礴高深長保
安貞之吉憑依鞏固實資捍禦之功幸民俗之殷盈

仰神明之庇護恭修歲祀正值良辰敬潔豆籩祇陳

牲幣

陳設雍正二年定每位用日色帛一白磁爵三共用羊一

豕一劔二簋二簋二籩四豆四

祭品與社稷壇同

祀儀雍正二年奏准與社稷壇同

附南北二壇祭器乾隆十年頒發存縣收貯以備祭祀
之用

磁爵二十四箇

磁登四箇

德化縣志

卷十一建置

壇廟

五

磁劔九箇

磁簋十箇

磁簋十箇

竹籩五十三箇

木豆四十八箇

磁著罇九箇

木俎十二架

磁香爐五箇

木燭臺五對

帛筐五盒

木竹版二座

鐵燔爐二座

錫盥盆二口

盥盆木架二座

牲盤二箇

文廟制見學校

時日自順治二年定每歲以秋仲月上丁日致祭如遇有
事改次丁日或下丁日十五年定時辰用上丁日子時
齋戒自雍正十年定前期執事人等各於家致齋三日
樂奏自康熙八年定正樂章改章名和爲平稱中和韶樂
五十二年改造樂器審定黃鍾之度五十五年奏准平
字樂章通行贊唱乾隆十二年奉頒樂器於學宮詳見
學校咸豐年間燬於兵燹同治五年重修學宮續製未
備七年南昌郡學修製祭器樂器繪圖頒發各學

樂章迎 神奏昭平之章辭曰大哉 孔子先

覺先知與天地參萬世之師祥徵麟紱韻答金絲曰
月既揭乾坤清夷 初獻奏宣平之章辭曰予懷

明德玉振金聲生民未有展也大成俎豆千古春
秋上丁清酒既載其香始升 亞獻奏秩平之章辭

曰式禮莫愆升堂再獻響協鼗鏞誠孚壘甌肅肅雍
雍譽髦斯彥禮陶樂淑相觀而善 終獻奏敘平之

章辭曰自古在昔先民有作皮弁祭菜於論思樂惟

天牖民惟 聖時若彛倫攸敘至今木鐸

徹饌奏懿平之章辭曰 先師有言祭則受福

四海鬻宮疇敢不肅禮成告徹毋疏毋瀆樂所自生
中原有菽 送 神奏德平之章辭曰鳧繹峩峩
洙泗洋洋景行行止流澤無疆聿昭祀事祀事孔明
化我烝民育我膠庠

謹按前頒樂章爲威平甯平安平景平威平今
遵後頒爲昭平宣平秩平敘平懿平德平

祝文乾隆九年頒

文曰惟 先師德隆千古道冠百王揭日月以常
行自生民所未有屬文教昌明之會正禮和樂節之
時辟雍鐘鼓咸恪薦於馨香泮水膠庠益致嚴於籩

德化縣志

卷十一建置

壇廟

七

豆茲當

春秋

仲祗率彝章肅展微忱聿將祀典以

復聖

顏子 宗聖曾子 述聖子
思子 亞聖孟子配尚 饗

省牲乾隆四年頒定前期一日承祭官至文廟觀樂畢具
朝服上香行三跪九叩禮畢至省牲亭香案前獻爵奠
酒揖宰牲取血執事生捧送各壇供奉承祭官俟安設
畢一揖退

按會典云凡省牲前期二日宰牲前期一日牲四
等曰犢曰特牛曰太牢用牛一羊一豕一日少牢
用羊一豕一其牛色尚騂或黝

陳設順治初每歲春秋仲月上丁日致祭陳設與國子監

同雍正三年定大成殿正位祭品添設太牢乾隆四年

頒發文廟各壇陳設諸圖於學今遵同治七年南昌郡

學繪圖正位銅爵三登一鉶二簋二簋二籩十豆十筐

帛一俎一 中區為三實牛銅鑪一燭臺二案外正中一 牛

羊 一東西配位每位銅爵三鉶二簋二簋二籩八豆

八俎一 中區為二實銅鑪一燭臺二筐帛一案外左右

豕 一東西哲位每位銅爵三鉶一簋一籩一籩四豆

四銅鑪一燭臺二總設俎一 中區為二實筐一帛六端

德化縣志

卷十一建置

壇廟

八

案外左 羊 一東西廡每位銅爵一二位一案筐一簋

一銅鑪一燭臺二總設俎三 中區為二實俎前總香案

二各設銅爵三銅鑪一燭臺二筐帛一奠帛爵於總香

案上先 賢 案 前 左 羊 二 右 豕 二

祭品 爵清酒 登太羹 鉶和羹 簋稻粱 簋黍稷

籩棗栗榛菱芡形鹽鹿脯棗魚蕎餅麥餅豆菹芹 韭

醢兔 醢 鹿豚拍脾析

祀儀乾隆四年頒定正祭日子時承祭官分獻官暨陪祭

官齊集更衣所陰陽生報鼓三通贊引生引至東西階

下通贊唱樂舞生排班序立執事生各司其事承祭官就位分獻官暨陪祭官各就位贊引生贊各官就位通贊唱座毛血執事生二人捧毛血盤出西正門座畢由東正門入通贊唱迎神樂奏昭平之章樂作贊跪叩興承祭官分獻官陪祭官行三跪九叩禮樂止通贊唱奠帛爵行初獻禮樂奏昭平之章舞羽籥之舞樂作贊引生贊承祭官詣盥洗所盥手授巾畢贊升壇引由東階入殿左門詣

至聖先師位前贊跪上香承祭官跪司香生跪奉香承祭

德化縣志

卷十一 建置

壇廟

九

官三上瓣香贊獻帛司帛生右跪奉筐承祭官受筐拱舉左授司帛生興奠於案贊獻爵司爵生右跪奉爵承祭官受爵拱舉左授司爵生興奠於墊中贊叩興承祭官一叩興通贊唱就讀祝位贊引生贊承祭官至殿中拜位立樂止通贊唱承祭官跪分獻官暨陪祭官皆跪讀祝文司祝生詣祝案前三叩興奉祝版跪案左讀祝畢興安祝版於

正位前筐中三叩興退樂作贊引生贊叩興承祭官分獻官暨陪祭官皆三叩興通贊唱承祭官行配饗禮分獻

官行分獻禮贊引生引承祭官以次詣

四配位前贊跪上香奠帛爵叩興儀同退降階復位贊引生分引兩序分獻官升東西階入殿左右門詣

十二哲位前贊跪上香奠帛爵叩興退降階復位均如儀贊引生分引兩廡分獻官入東西廡詣

先賢

先儒位前贊跪上香奠帛爵叩興退復位儀同樂止通贊唱行亞獻禮樂奏秩平之章

舞同初獻

樂作贊引生引承

祭官升階詣

德化縣志

卷十一 建置

壇廟

十

至聖先師位前暨

四配位前奠爵於左如初獻儀兩序兩廡隨同分獻畢均復位樂止通贊唱行終獻禮樂奏敘平之章

舞同亞獻樂

作贊引生引承祭官升階奠爵於右如亞獻儀兩序兩廡隨同分獻畢均復位樂止文德之舞退通贊唱飲福受胙贊引生贊詣受福胙位引承祭官由東階入殿左門至殿中拜位立司福胙生二人自東案奉福胙至

正位前拱舉退立於承祭官之右接福胙生二人自西案進立於左贊引生贊跪承祭官跪贊飲福酒右司福酒

生跪遞福酒承祭官受爵拱舉授左接福酒生興贊受
胙如飲福酒之儀贊叩興承祭官三叩興贊復位引承
祭官退降階復位通贊唱謝福胙贊跪叩興承祭官分
獻官暨陪祭官均行三跪九叩禮通贊唱徹饌樂奏懿
平之章樂作徹畢樂止通贊唱送神樂奏德平之章樂
作贊跪叩興承祭官分獻官暨陪祭官行三跪九叩禮
樂暫止通贊唱司祝生奉祝司帛生奉帛恭送燎所承
祭官避立拜位東側俟奉祝帛生過復位樂作通贊唱
詣望燎所贊引生引承祭官詣望燎所立視祝帛焚半

贊禮畢衆官皆退

與事官康熙四十九年諭同城武職俱照文職一體入
廟行禮雍正五年定每歲春秋仲月上丁日正印官率領

屬員照典制行禮

文廟獻官正獻令主之分獻教諭訓導主之

文廟執事通贊二人贊引二人讀祝一人監洗濯二人監
宰一人收支祭物一人監庭燎座坎二人陳設一人司
帛五人司爵五人司盥一人司帨一人司香燭一人座
毛血六人飲福受胙二人

誕日雍正五年定每歲八月二十七日

至聖先師孔子誕辰恭值此日文武官各致齋一日不理
刑名禁止屠宰

附

孔氏家廟在廬山西麓宋治平時勅建先是唐末文德元年聖裔四十代孫孔績登進士任吉州推官五代亂遂家吉州之新淦及宋孔延之任欽州推官子文仲武仲平仲俱登進士平仲官至尙書適歸吉州道經廬阜遂卜居黃龍山麓請旨建祠於龍溪廟之南明初孔承節

德化縣志

卷十一 建置

壇廟

十一

重修祠宇置祭田百餘畝神宗時族長孔貞贊貞讓尙哲北謁 林廟重修 聖殿廬山之有孔聖祠所由來也

府志

按闕里志載孔文仲之弟武仲平仲其父延之與周敦頤友善卒葬廬山南豐曾鞏撰誌銘係廬山之龍泉乃德化仁貴鄉今化邑之孔姓始自平仲遷居前志稱平仲與周元公遊係傳述之誤今附闕里志於後

闕里志延之績五世孫慶厯二年登進士第司封郎中

與濂溪先生周敦頤友善卒葬廬山南豐曾鞏誌其墓
贈殿中丞金紫光祿大夫

文仲延之子字經父弟武仲字常父平仲字毅父平仲嘗
誌陶寺丞夫人孔氏墓云孔氏惟闕里最著而廟宅譜
牒特繼以嫡相承者支子旁孫皆不復錄故散而之四
方者莫可攷證皆聖人之後也今在江南新淦尋陽爲

右云 以上闕里志

家廟祭田祭山一聶家山田貳拾畝吳家山田陸畝閔家
壠田玖畝簷家壠田捌畝伍分郭家凹田拾柒畝金官

德化縣志

卷十一 建置

壇廟

十二

坂田捌畝伍分朱家山田伍畝伍分一照背嶺山壹面
簷家壠山肆面吳家山山壹面閔家凹山壹面

崇聖祠雍正元年加封孔子五代皆以王爵改啟聖祠名
崇聖祠制詳學校

時日順治二年定每歲致祭日期與文廟同

齋戒與文廟同

祝文乾隆九年頒

文曰惟 王奕葉鍾祥光開聖緒盛德之後積久
彌昌凡聲教所覃敷率循源而溯本宜肅明禋之典

用申守土之忱茲屆仲

春秋

聿修祀事以

先賢孔氏
先賢顏氏

先賢曾氏 先賢孔氏
先賢孟孫氏配尚饗

陳設雍正元年定每歲春秋牲牢酒醴籩豆簠簋每位俱

照啟聖王例陳設正五位每位銅爵三簋二籩二籩八

豆八銅鑪一燭臺二俎中區為二實 筐帛一案外正

中羊一 豕一 東西配位每位銅爵三鉶一簋一籩一籩四

豆四銅鑪一燭臺二總設俎中區為二實 筐帛一

東廡案二西廡案一每案銅爵三簋一籩一籩四豆四

銅鑪一燭臺二俎東西各一中區為二實 筐帛東西各

德化縣志

卷十一 建置

壇廟

十四

一

祭品與文廟同

祀儀乾隆四年頒定正祭日承祭官分獻官齊集祠垣左

門贊引生引至階下通贊唱執事生各司其事承祭官

就位分獻官就位贊引生贊各官就位通贊唱迎神贊

跪叩興承祭官分獻官行三跪九叩禮通贊唱奠帛爵

行初獻禮贊引生引承祭官詣盥洗所盥手授巾畢贊

升壇引由東階入殿左門詣

肇聖王位前贊跪上香承祭官跪司香生跪奉香承祭官

三上瓣香贊獻帛司帛生右跪奉篚承祭官受篚拱舉
左授司帛生興奠於案贊獻爵司爵生右跪奉爵承祭
官受爵拱舉左受司爵生興奠於墊中贊叩興承祭官
一叩興贊引生引承祭官以次詣

裕聖王位前

詒聖王位前

昌聖王位前

啟聖王位前贊跪上香奠帛爵叩興儀同通贊唱就讀祝
位贊引生引承祭官至殿中拜位立通贊唱承祭官跪

德化縣志

卷十一建置

壇廟

十五

分獻官皆跪讀祝文司祝生詣祝案前三叩興奉祝版
跪案左讀祝畢興奉祝版安

肇聖王位前篚中三叩興退贊引生贊叩興承祭官分獻
官皆三叩興贊復位引承祭官退降階復位贊引生引
正殿分獻官升東西階入殿左右門詣

配位前引兩廡分獻官分詣

從位前跪上香奠帛爵叩興復位均如正獻儀亞獻各
獻爵於左終獻各獻爵於右均如初獻儀通贊唱徹饌
徹畢通贊唱送神贊跪叩興承祭官分獻官行三跪九

叩禮通贊唱司祝生奉祝司帛生奉帛恭送燎所承祭
官避立拜位東側俟奉祝帛生過復位通贊唱詣望燎
所贊引生引承祭官詣望燎所立視祝帛焚半贊禮畢
各退

先農壇雍正四年設立先農壇每歲正印官率屬員耆老
農夫致祭行耕藉之禮五年定壇位規制照京城式樣
本年知府施士岡於府治東二里許如制創建壇高二
尺一寸縱橫各二丈五尺壇後正房三間中奉神牌牌
高二尺四寸寬六寸座高五寸寬九寸五分紅牌金字

德化縣志

卷十一 建置

壇廟

十六

塢寫先農之神其兩翼爲庫房存貯祭器農具之屬門
樓一座知縣楊芊買到鄔姓基地一處爲藉田四畝九
分額租八石五斗交貯縣倉以備祭祀之用每年耕藉
致祭

時日雍正四年定每歲仲春亥日致祭

齋戒雍正五年定先期主祭及各官俱致齋二日

祝文乾隆九年頒

文曰惟 神肇興稼穡粒我蒸民頌思文之德克
配彼天念率育之功常陳時夏茲當東作咸服先疇

洪維九五之尊歲舉三推之典恭膺守土敢忘勞民
謹奉爨章聿修祀事惟願五風十雨嘉祥恒沐於神
庥九穗雙岐上瑞頻書於大有

陳設雍正四年定每歲致祭用帛一羊一豕一鋤一簋二
簋二籩四豆四酒罇一

祭品與社稷壇同

祀儀雍正五年定照社稷壇例行

雩祭乾隆七年定每歲孟夏舉行常雩之禮不另立雩壇
卽於先農壇行禮並合祀社稷山川諸神牌

德化縣志

卷十一 建置

壇廟

十七

時日乾隆七年定每歲以四月十八日致祭

齋戒乾隆七年定祭主及各官先期致齋三日

祝文乾隆九年頒

文曰恭膺 詔命撫育羣黎仰體彤廷保赤之誠勤
農勸稼俯惟蔀屋資生之本力穡服田令甲爰頒肅
舉祈年之典惟寅將事用申守土之忱黍稷維馨尙
冀明昭之受賜來牟率育庶俾豐裕於蓋藏

陳設祭品祀儀與先農壇同

關帝廟舊府志云廟有數處一在東高岡一在南門觀左

一在演武廳一在城隍廟右康熙九年知府陳謙鼎建
貢生張秉翀張泰進士張秉鉉捨基也乾隆三十九年
知府王均准寺僧運昌募修先是順治九年

勅封忠義神武關聖大帝雍正八年奉行每年動項銀四

十兩作祭費

乾隆二十五年以原謚壯繆未協改謚神武三十二年加靈佑二字嘉慶十九年奉

旨加封仁勇二字道光年間疊加威顯國民精誠綏靖等字神牌敬書忠義神武靈佑仁勇威顯護國保民

精誠綏靖
關聖帝君

咸豐四年升入中祀樂用六成舞用八佾頒發樂章

時日順治元年定每歲五月十三日致祭雍正三年定每

德化縣志

卷十一建置

壇廟

十八

歲除誕日外春秋仲月二次致祭日用卜吉每歲共祀

三次

齋戒與文廟同

樂章迎 神奏格平之章辭曰懿鑠兮焜煌

神威靈兮赫八方偉昭烈兮異禩祀事明兮永光達

精誠兮黍稷馨香儼如在今洋洋一初獻奏翊平之

章辭曰英風颯兮 神格思紛綺蓋兮龍旗颯桂

醑兮盈卮香始升兮明燄惟降鑒兮在茲流景祚兮

翊昌期 亞獻奏恢平之章辭曰觴再酌兮告虔舞

干戚兮合宮懸歆苾芬兮潔蠲扇巍顯翼兮 神

功宣 終獻奏靖平之章辭曰鬱鬯兮三申羅籩簋

兮畢陳儀卒度兮肅明禋 神降福兮宜民宜人

徹饌奏彝平之章辭曰物惟備兮咸有明德惟馨兮

神其受告徹兮禮終罔咎佑我家邦兮孔厚

送 神奏康平之章其一辭曰幢葆葳蕤兮 神

聿歸馭鳳軫兮驂虬駢烽烟煜兮餘酌醑願回靈盼

兮德洽明威 望燎其二辭曰焘蒿烈兮燎右輝

神光遙爚兮祥雲霏祭受福兮茂典無違庶揚駿烈

德化縣志

卷十一 建置

壇廟

十九

兮永奠亶畿

祝文乾隆九年頒

文曰維 帝浩氣凌霄丹心貫曰扶正統而彰信

義威震九州完大節以篤忠貞名高三國神明如在

徧祠宇於寰區靈應丕昭薦馨香於歷代屢徵異蹟

顯佑羣生恭值嘉辰遵行祀典筵陳籩豆几奠牲醪

陳設祭品均與文廟正位同

祀儀雍正五年定承祭官行三跪九叩禮乾隆七年定祀

事儀節咸豐四年升入中祀增入樂舞正祭日各官具

朝服齊集廟左門垣陰陽生報鼓三通贊引生引承祭官陪祭官至東西階下通贊唱樂舞生排班序立執事生各司其事承祭官就位陪祭官各就位贊引生贊各官就位通贊唱座毛血執事生二人捧毛血盤出西正門座畢由東正門入通贊唱迎神樂奏格平之章樂作贊跪叩興承祭官陪祭官行三跪九叩禮樂止通贊唱奠帛爵行初獻禮樂奏翊平之章舞羽籥之舞樂作贊引生贊承祭官詣盥洗所盥手授巾畢贊升壇引山東階入殿左門詣

關聖帝君位前贊跪上香奠帛爵叩興如文廟儀畢通贊唱就讀祝位贊引生贊承祭官至殿中拜位立樂止通贊唱承祭官跪陪祭官皆跪讀祝文司祝生跪讀祝如儀樂作贊引生贊叩興承祭官陪祭官皆三叩興贊復位承祭官復位樂止通贊唱行亞獻禮樂奏恢平之章

舞同
初獻

樂作贊引生贊承祭官升階詣

神位前奠爵於左如初獻儀退降階復位樂止通贊唱行終獻禮樂奏靖平之章

舞同
亞獻

樂作贊引生引承祭官升

階奠爵於右如亞獻儀退降階復位樂止文德之舞退

通贊唱飲福受胙贊引生贊詣受福胙位引承祭官由東階入殿左門至殿中拜位立司福胙生二人奉福胙進承祭官受福胙如儀復位通贊唱謝福胙贊跪叩興承祭官陪祭官行三跪九叩禮通贊唱徹饌樂奏爨平之章樂作徹畢樂止通贊唱送神樂奏康平之章樂作贊跪叩興承祭官陪祭官行三跪九叩禮樂暫止通贊唱司祝生奉祝司帛生奉帛恭送燎所承祭官避立拜位東側俟祝帛生過復位立樂作通贊唱詣望燎所贊引生引承祭官詣望燎所立視祝帛焚半贊禮畢各退

關帝後殿雍正三年加封關帝三代曾祖光照公祖裕昌公父成忠公皆供奉後殿五年定每歲三祭承祭官及各官俱行二跪六叩禮今前殿升入中祀禮節與崇聖祠正位同

時日三祭與關帝同

齋戒與關帝同

祝文乾隆九年頒

文曰維 公世澤貽庥靈源積慶德能昌後篤生神武之英善則歸親宜享尊崇之報列上公之封爵

錫命優隆合三世以肇禋典章明備恭逢諏吉祇事
薦馨

陳設雍正五年定不用牛餘照前殿例

祭品與前殿同

祀儀行二跪六叩禮餘同前殿儀

國朝知府陳謙鼎建關帝廟碑記凡士大夫出守牧民入
郡邑先期必齋宿於城隍神廟方涖任翼日必肅神明
出謁 先師廟外是他有神祠多不入謁獨按郡有
關帝廟者其時必奠祭如禮非以其公忠正直足以爲

德化縣志

卷十一 建置

壇廟

二十二

士大夫之鑑歟蓋作吏牧民此心洗濯清白上固可以
對壯繆則興利除害用威用惠何事不可爲九江 先
師廟居郡治南 城隍神廟居郡治東雖經兵火漸各
修治惟壯繆廟一郡受其孚佑而坐視壇宇徧荆榛歲
時奠祭無摳謁地不安於中者有年矣戊申冬卽其地
廣袤度之鳩工庀材裒然爲首舉同任於郡邑若某某
者樂皆助其成不一年凡堂殿廊廡庖湑之所無或不
備丹雘雕鏤繪堊之工無或不精鳧鍾鼉鼓雲旛寶鼎
之具無或不飭落成之日予率屬視牲報祭焉一時大

小畢會帥迓帥竝於楹紳迓紳遲於室士迓士拱於階
里老迓里老趨趨於階下耄稚負販之聚而觀者千百
人闕於廟門外予酬神畢羣相揖而延之坐曰於爍哉
盛矣微神之靈何以邀光賁如是余之倡斯役也顧斯
地凋瘵日甚受

命出守司牧萬民乃洗濯此心竭數年之力拮据撫綏日遑
遑不及庶幾惟神可以福民亦庶幾惟神可以鑒我繼
自今風雨時年穀登學校興懋遷裕伏莽不警蟲蝗不
集惟神之休咸有賴於無窮僉進而執爵曰荷明賜哉

德化縣志

卷十一 建置

壇廟

二十三

余瞿瞿拜而謝曰神之允賴余何有焉羣復相揖退例
刻石紀事爰卽是鐫而記之俾勿壞

張秉翀記神無弗在者也關帝之神尤無弗在而顯者也
故天下之崇祀廟貌者非一日亦非一方而吾潯爲甚
潯之東西南北各有廟皆湫隘傾圯不稱厥居

上登極之七年戊申郡伯陳公夜夢有神赤面修髯謀協
厥居覺而知爲大帝也因語總戎趙公共起相宅郡中
有地焉脉領廬阜復迴旋枕江而面之左隍廟右府治
旣溥且袤層累益上可施經營又適處諸廟之中央詢

之則余家祖遺世居舊址也余始祖波山公來自浙東以戎事從明皇帝厥後紀功世蔭武略將軍勅衛九江實肇造焉至五世而文藝蜚聲以科第者不乏人乙酉兵燹鞠爲茂草二公心賞之卜惟吉急謀之余余曰非犬帝莫克當此且毓一家之秀不如廣一郡之庇遂同兄秉鑑弟泰秉鉉出而公之一公各輸內帑鳩工徒精爲營構大殿巍然惟帝臨之殿前有屏有門制度軒敞後有梵宮以妥大士傍有僧舍又後有亭其地愈高其望愈遠雲山江水瞭焉入目文子行遠以興續超然額之

二公解綬日漸荒頽晴川江公來泣茲土下車之日百廢具興見瓦毀垣圯乃漸捐資完好蓋有陳趙二公創之於前江公成之於後則斯廟得以崇祀不朽而永爲潯郡之巨觀或曰神一也多爲崇祀何居蓋大帝協天天象三垣皆有帝座又有五帝座復於句陳內天皇大帝識者有用事主宰之分諸廟之有斯廟亦若是已矣故有斯廟爲之主則東以祐興作西以砥狂瀾南達昌明之氣北鞏奠麗之基於鬯宮則翊文運於武場則助膚功其餘悉以造福元元呵護社稷孰非此廟默率廣

運之也哉陳公諱謙河南祥符人趙公諱光祖山東兗州人江公諱殷道湖廣漢陽人督工河泊所官王士範鄉約白琯奉侍僧行悟屬文者張秉翀也

文昌帝君廟有數處一在縣學右宮牆外一在府治東育嬰堂左迺里人禱祀之私廟湫隘不合體制一在府治東關帝廟右規模稍廓向來正祭舉行於斯咸豐四年燬於粵匪七年升入中祀樂用六成舞用六佾廟制尙宜展拓倡議改建

時日嘉慶六年列入祀典春秋仲月二祭日用卜吉二月

德化縣志

卷十一建置

壇廟

二十五

初三日誕辰致祭與正祭同今升入中祀時日仍舊例齋戒與文廟同

樂章迎 神樂奏丕平之章辭曰秉氣兮靈躔翊
文運兮赫中天蜺旌兮戾止雕俎兮告虔迓 神
麻兮於萬斯年 初獻樂奏俶平之章辭曰 神
之來兮籩簋式陳 神之格兮几筵式親極昭彰
兮靈貺致蠲潔兮明禋升香兮伊始居歆兮佑我民
人 亞獻樂奏煥平之章辭曰再酌兮瑤觴燦爛兮
庭燎之光申虔禱兮 神座儼陟降兮 帝

旁粢醴潔兮齋遯將綏景運兮靈長 終獻樂奏煜

平之章辭曰禮成三獻兮樂奏三終覃敷元化兮絜

神功馨香達兮肸鬻通歆明德兮昭察寅衷

徹饌樂奏懿平之章辭曰備物兮惟時告徹兮終禮

儀 神悅懌兮鑒在茲垂鴻佑兮累洽重熙 送

神樂奏蔚平之章其一辭曰雲駟駕兮風旗招

神之歸兮天路遙瞻翠葆兮企丹霄願迴靈眷兮

福我朝 望燎其二辭曰烟煜降兮元氣和 神光

燭兮梓橦之阿化成耆定囊弓戢戈文治光兮受福

德化縣志

卷十一 建置

壇廟

二十六

則那

祝文咸豐七年新頒

文曰維 神道闡苞符惟敦孝友並行並育德侔

天地以同流乃聖乃神教炳日星而大顯仰鑒觀之

有赫示明德之惟馨茲當仲春秋用昭時享惟祈 歆

格克鑒精虔尙 饗

陳設與關帝廟同

祭品與關帝廟同

祀儀咸豐七年頒定樂章侑舞迎 神樂奏丕平之章

初獻樂奏俶平之章舞羽籥之舞亞獻樂奏煥平之章

舞同

終獻樂奏煜平之章

舞同

樂止文舞之侑退徹饌

樂奏懿平之章送

神樂奏蔚平之章

其一

望燎

其二

餘

奠帛爵讀祝文受福胙等儀節均與文武廟正祭同

聖誕二月初三日照關帝五月十三日聖誕點香禮節毋

庸禁止屠宰其陳設祭品祭儀與正祭同

祝文咸豐七年新頒

文曰維 神功參橐籥撰合乾坤溯誕降之靈辰

三台紀瑞度中和之令節九宇承暉若日月之有光

德化縣志

卷十一建置

壇廟

二十七

明闡大文於孝友如天地無不覆載感至治於馨香

爰舉上儀敬陳芳薦精禋罔斃神鑒式臨尙 饗

文昌帝君後殿嘉慶六年禮部奏准文昌帝君三代姓名

查無確據未便請加封號謹擬增設牌位敬書文昌帝

君三代神位遇祭期照關帝廟後殿祀典致祭 今前

殿均升入中祀其後殿祀儀均同

祝文咸豐七年新頒 二月初三日

文曰維 文昌帝君道備中和神超亭毒稟詒謀

而允紹欽毓聖之有基雲漢昭回際嶽降崧生之會

馨香感格興水源木本之思式肇明禋用光彝典尙
祈神鑒享此清芬尙 饗

名宦祠制見學校

時日與文廟同

陳設與小祀同

祀儀與小祀同

鄉賢祠制見學校

時日與名宦祠同

陳設與名宦祠同

德化縣志

卷十一 建置

壇廟

二十八

祀儀與名宦祠同

忠義孝弟祠雍正二年定制本年知縣周於德建制詳學

校乾隆四十五年知縣沈錫三重修

時日同文廟

陳設同小祀

祀儀同小祀

祝文乾隆九年頒

文曰惟靈稟賦貞純躬行篤實忠誠奮發貫金石而
不渝義問宣昭表鄉閭而共式祇事懋彝倫之大性

摯莪蒿克恭念天顯之親情殷棣萼楷模咸推夫懿
範綸恩特闡其幽光祠宇維隆歲時式祀用陳尊簋
來格几筵

節孝祠雍正二年定制本年知縣周於德建制詳學校

時日

陳設

祀儀俱同忠義孝弟祠

祝文乾隆九年頒

文曰惟靈純心皎潔令德柔嘉矢志完貞全閨中之

德化縣志

卷十一建置

壇廟

二十九

亮節竭誠致敬彰闔內之芳型茹冰蘖而彌堅清操
自勵奉盤匱而匪懈篤孝傳徽絲綸特沛乎殊恩祠
宇昭垂於令典祇循歲祀式薦尊醪

邑厲壇舊府志云在望京門外明洪武三年知府龔琬建
四圍繚以垣牆壇高三尺方四丈縱橫如之南出陞三
級有祭文碑亭宰牲房洗牲池正德間亭房俱廢基存
國朝順治初定每歲祭無祀之鬼神於本城北郊縣稱邑
厲歲以清明日七月十五日十月朔日致祭用羊三豕
三飯米三石香燭酒紙隨用祭時祭告城隍之神雍正

三年添設飯米共九石今壇已廢目乾隆元年知府郎
燦遷於望京門郊地致祭焉

城隍廟在太甯坊去縣治東二百步先是建於郡東北宋
宣和中遷此元皇祐中又新之明洪武初知府龔琬林
宗相繼創建有堂有兩序有齋所有門樓有後寢規制
如昔知府李正蒼之時正德八年也乙酉燬於兵

國朝順治六年重建正殿寢殿基存正殿與階前所砌石
生員舒啟泰修右有定福堂左有長生閣俱住持僧道
性建乾隆三十三年三十八年住持僧承道普惠先後

德化縣志

卷十一建置

壇廟

三十

重修咸豐三年兵燬復建

元儒吳澄府城隍廟記地之險山川邱陵而建邦設都
必依險以爲固或因山與邱陵以爲城平地則累土築
城以擬山之險或因川以爲隍燥地則掘土浚隍以擬
川之險曰城曰隍其名肇於古史之造字其用著於周
易之繫父其所由來遠矣而禮經國典無祭城隍之文
儒者謂社祭山林川澤邱陵墳衍原隰則城隍固在其
中然予竊有疑焉防與水庸尙於祭社之外有專祭城
隍以扞寇敵以保人民其功豈出於防與水庸之下而

獨不專報其功乎今郡縣各有城隍祠所謂禮雖先王未之有可以義起者其若此類也夫土神當祭於壇墀而城隍祭於廟予嘗求其義矣蓋祭必有配社以勾龍氏而爵尊齒尊德尊之人往往歿而得祭於里社俗稱土地神是也里人或爲之立廟故城隍之有廟殆亦以棲配食者之靈試以配天之禮喻祭地之禮祭社神於壇墀配以人猶南郊之祀天也祭城隍神於其配食之廟則猶明堂之祀帝云爾江州地扼荆揚之交面崇巒背大瀆其城其隍山川自然之險形勢之雄他郡莫與

論也城隍配食之人相傳以爲漢丞相潁陰侯灌嬰郡志言高帝六年侯築湓口城卽今江州地則侯之配城隍也宜或謂他郡城隍亦皆侯配食豈以侯嘗定豫章諸郡而然歟舊江州城隍廟在郡治東北民之祈禱不便宋宣和壬寅郡守遷於今所歲久屋敝淳祐乙酉沿江制置使以其屬帥郡民修完之門外豎景福樓巍然臨平衢有錢氏者先是河北人名安道紹興初江淮招討使張浚命之世掌城隍祠其來孫大通攻陰陽方技涉三教緒言熟諳人情世務士大夫喜與遊病廟地窄

隘弗可以恢廓勤力經營市廟後民地數畝建造寢殿
材鉅工良視前構有加修廣穹窿與外樓對翼以兩廡
規制偉然家無銖兩斗斛之儲好善樂施者相與蠲資
以就其志非其誠足以感乎神才足以動乎人何以能
壯麗其神之居以至於此哉皇慶壬子創始延祐己未
落成值予過江州大通請紀歲月予嘉其爲人遂不辭
而敘祀典之大槩以俟後之議禮者攷焉

國朝知縣鄒文炳記自古社稷山川羣神之祀掌於宗伯

至六朝始祀城隍神歷隋唐宋元勿替明洪武三年勅

德化縣志

卷十一建置

壇廟

三十二

封府縣城隍爲侯伯於是各府縣分立廟以祀城隍雖
附郭之縣亦然我

朝進退百神監於有明著爲令典縣之有城隍猶之有縣
官也縣官理其明城隍理其幽縣官分立曹署不能寄
治於府縣城隍崇飾廟寢不能寄治於府城隍幽明之
道本無二致此理之因乎時起乎義者也德化爲九江
首邑 車冠蓋之要道地廣民殷余於壬申之春來莅
茲土下車之始凡在祀典者諏日躬詣行禮而縣城隍
乃僅附於府廟之殿側因陋就簡褻莫甚焉瞻拜之際

惕然不安於心退而謀爲卜地立廟詢之僚佐縉紳士大夫皆以爲宜先縣城之西建有

上諭亭爲朔望宣講之所後遷治之東益宏廣之而所遺舊址南北數十弓爲公所所屬遂因其舊以立廟余捐廉以倡縣之人踴躍相助鳩工庀材共趨厥役乙亥夏仲落成以告於神而妥之庶幾昭靈揭虔神安而吾心安卽闔邑之人心均無不安也夫蚩蚩之民有縣官不能動其善心而動於冥福者矣有縣官不能戢其惡心而戢於冥禍者矣大奸大猾倖逃於明法而神之殛不

德化縣志

卷十一 建置

壇廟

三十三

能逃疑事疑獄狡飾於大庭而神之鑒不可飾先王神道設教其有益於治豈淺鮮哉余德薄無以撫循斯民惟藉神之靈庶幾協氣胥應灾疹不生怪風暴雨不作德化之民以養以教於

聖天子光天化日之下此則余之朝夕虔禱者也時共勦厥事者教諭江華玉訓導吳鸞翔本府經歷吳正緯照磨符蘊華大姑塘巡檢汪森小池口巡檢程世鋹署巡檢徐學海朱壇陳子鎮巡檢劉大用署巡檢汪文煊通遠驛丞兼管巡檢張仕典史馮珪朱定棻紳士楊廷貴譚

章瀚垺發廖泰璿夏廷濟史善紹劉俊敏宋裕猷例得
附書其捐助之姓氏書於別石以垂永久焉

龍王廟在萬壽宮之右雍正十一年署知府事胡式瑗建
廟宇一重每歲春秋致祭二次

劉猛將軍廟在縣治東二里許東嶽廟之左雍正十二年
一知府蔡學顯知縣張思恬建廟宇一重每年春秋致祭
二次

曾子祠在城內八角市去縣治東里許宗聖十五代孫據
漢封都鄉侯徙居九江明萬曆二十三年奉旨建祠特

德化縣志

卷十一 建置

壇廟

三十四

祀乙酉祠之頭門三省堂啟聖寢室被焚

國朝康熙六年知府陳謙推官金光房知縣張應午捐貲
重建緣近於市門庭多穢褻乾隆十九年知縣高植蠲
令另築屏牆兩旁建坊爲門以扃如文廟式每歲致祭
明萬曆三十四年鈔關榷使曾守身蠲俸置德化鄉祭
田壹拾壹畝崇禎十五年知府余士常蠲置封二鄉沙
池湖田地壹拾叁畝柒分

國朝順治七年知縣李天祐蠲置封一鄉沉船湖田地貳
拾壹畝柒分乾隆二十年知縣高植將曾王氏所遺鄭

受戶屯撥租壹拾石歸祠若原主取贖撥銀貳拾兩交
曾斌等經理具詳糧道劉堯裔批准有案

國朝楊汝穀重修曾子祠碑記江州孝廉何登棟會試留

京師與予誼屬通家向余請曰本邑 宗聖祠緣漢
東鄉侯聖裔十五世孫據耻仕新莽南遁江右迨有明
萬厯二十三年建祠今漸就傾圮虞城蔡公擇後裔繼
準貢生綱等首其事規模宏遠越月而竣願一言以紀
其事予維表彰先聖者吾儒之責也宗煥祭享者賢有
司之任也自我夫子集二帝三王之大成刪定纂修萬

德化縣志

卷十一建置

壇廟

三十五

世不易而藩籬屏翰 宗聖實羽翼之夫夫子之道日
月經天江河行地學者皆謂其浩渺難追不知功始於
忠恕學先於誠身三省數語皆日用切近之務學聖人
不得學曾子可至於聖人矣然則宗聖一祠非曾氏之
祠乃天下萬世之祠也喜而誌之授之何生以覘吾道
之永垂於不替云

文德翼重修曾子祠記潯專祀曾子不知所昉也或曰
適楚時憇潯云或曰晉渡江孔裔適衢曾裔適潯遂家
焉今潯曾姓是也然夫子之道與天地並昭於日星燦

於河嶽者曾子通祀天下矣潯專之豈失過歟逮後周茂叔黃楚望皆興於潯而曾子千年絕學復續詎匪地發其祥哉先祀孔嚴近廟貌頽於兵燹故裔私加葺焉噫玉麟吐書莫威神於大學彩鳳含苞豈樞要於孝經潯之班班式京東魯矣

清風祠在府治東里許高岡祀漢九江太守宋均雍正十二年知府蔡學顥重修每年春秋二祭

陶靖節祠一在府治東豐儲坊原忠烈祠之左一在楚城鄉柴桑山下去城九十里中廢惟遺舊碑題曰晉陶靖

德化縣志

卷十一建置

壇廟

三十六

節先生故里明嘉靖十二年巡按御史李循義檄知府馬紀出帑蠲贖百兩建祠每歲致祭二次春祭祠秋祭墓 國朝道光九年總督陶澍重修

國朝知府方體記余莅潯之二年乙丑以祀事謁陶白祠圯郡固有清風閣以祀漢九江太守宋均余爲葺治之而以陶靖節白文公狄文惠三木主列序其次祀事於以不廢越三年戊辰余復以事過六祖坂尋柴桑故里則靖節之祠墓在焉屋湫而隘木拱而荒庚午春其哲裔德化縣祀生朝先彭澤學生啟煜鳩集族姓葺繕塗

既而乞文泐石以垂示後世魏鶴山曰世之辨證陶氏者曰晉宋名字之互變也死生歲月之不同也彭澤退休之年史集各異也余謂是皆所當考而名字生年尤於先生祠墓有關典實考梁昭明傳稱陶淵明字元亮或曰名潛字淵明顏延之誄亦云晉潯陽徵士陶淵明先生於義熙中祭程氏妹亦自稱淵明其作孟嘉傳稱淵明先親君之第四女夫嘉於先生爲外大父又及其先親豈宜自稱字歟則淵明固名非字也晉史謂潛字元亮南史謂潛字淵明至元嘉中對檀道濟之言則云

潛也何敢望賢年譜云在晉稱淵明在宋稱潛元亮之字卒未嘗易斯亦不紀義熙之意又考南史及梁昭明傳皆不載壽年顏延之誄云年六十三按先生辛丑游斜川詩云開歲倏五十又自祭文云歲惟丁卯若以詩文爲證則先生生於壬子自壬子至辛丑五十迄於丁卯考終得年七十有六延之以爲年六十三者誤也嗚呼自古高隱之士或憤世絕俗或委蛻遺榮其中心之矚然不滓者皆有貫日星而流金石之氣是以精曜同乎天地令名傳於無窮蓋其志節有不可磨滅者矣先

生當晉宋易代之際名位未顯功業未光而介石之操如海月皎空晴雲映嶽有嵇叔夜之憤而不及於禍有阮嗣宗之達而不至於放其高風峻節有不可及者後之人不深究其始終而僅以詩人共相標舉不已失乎爰竝書之以示陶氏世世子孫無忘祖德云

唐顏真卿詩嗚呼陶淵明奕葉爲晉臣自以公相後每懷宗國屯手執山海經頭戴漉酒巾題詩庚子歲自謂羲皇人

宋蘇軾詩淵明求縣令本緣食不足束帶見督郵小屈

未爲辱翻然賦歸去豈不念窮獨重以五斗米折腰營口腹云何元相國萬鍾不滿欲胡椒銖兩多安用八百斛以此殺其身何翅抵鵲玉往者不可悔吾其反自燭淵明恥折腰慨然詠式微閒居愛重九採菊來白衣南山忽在眼倦鳥亦知歸至今東籬花青如首陽薇

朱文公詩予生千載後尙友千載前每尋高士傳獨歎淵明賢及此逢醉石謂言公所眠况履岩壑古縹緲藏風烟仰看喬木蔭俯聽橫飛泉景物自清潔優游可忘言結廬倚芬峭舉觴酌潺湲臨風一長嘯咏以歸來篇

謝幼槃詩淵明歸去潯陽曲杖藜蒲鞋巾一幅陰陰老
樹轉黃鸝豔豔東籬燦霜菊世紛無盡過眼空生事不
豐隨意足廟堂之姿老蓬葦環堵蕭條僅容膝大兒頑
鈍懶詩書小兒嬌癡愛梨栗老妻日暮荷鋤歸欣然一
笑共蝸室我詩未遣愁肝腎醉裏呼童供紙筆時時得
句輒寫之五言平淡用一律田家酒熟夜打門頭上自
有漉酒巾老農時問桑麻長提壺挈榼來相親一樽徑
醉北窗卧蕭然自謂羲皇人此公聞道窮亦樂容貌不
枯似丹渥儒林紛紛隨溷濁山林高義久寂寞假令九

德化縣志

卷十一 建置

壇廟

三十九

原今可作輦公藍輿也不惡

顏祿詩黃閣彤扉盡宋臣歸來松菊伴閒身舉頭誰識
悠然意只有南山是故人

元謝應芳詩晉室之危一木詎支我思古人孤竹夷齊
彼薇西山我菊東籬薄言采之可以樂饑秋日淒淒卉
木具腓匪菊之芳吾將安歸

顧濟詩無錢猶愛菊有酒卽橫琴萬古醉何了一名聞
到今徑松存老節門柳積秋陰人畫歸來像誰傳歸去
心

明劉基詩江左昔潰亂桓盧遞相尋劉裕起寒微長驅
埽氛稜秋草雖未枯霜雪已侵侵陶公節義士素食豈
其心我才非管葛誰能起沈淪所以歌去來歸卧五柳
陰悠悠多感激悵悵寄謳吟哲人貴知幾芳名留至今
臨祠三歎息懷古一何深

宋濂詩官航晚泊潯陽郭把酒長懷靖節賢腰折竟辭
彭澤米眉攢甯種遠公蓮歸來松竹開三徑老去柴桑
受一屨晉代衣冠誰避世劉家社稷自書年雖云富貴
非吾願已有清高獨爾傳千載令人弔遺跡好山青立

德化縣志

卷十一建置

壇廟

四十

縣門前

楊士奇詩瑣瑣厭形役飄飄賦歸休開軒面南山黃花
亦映秋酒熟可自漉白社吾何求

童潮詩數椽松菊中祀我羲皇老斜月落窗清高風生
樹好文章一賦多名節諸人少再拜出門來南山雲縹
緲

袁拱詩粟里雨晴秋草碧沙泥不洗籬根石夜深涼月
滿江南照見寒花淡無色先生已往將奈何傲睨獨受
風霜多白衣有期待不至清樽空負重陽過披圖一見

傷晚節凜凜丰姿誰敢褻有祿不爲縣令淹有腰不爲
督郵折吁嗟此心鐵石貞元悟暗與幽人盟安得移居
傍其下滄英飲水延遐齡

陶安詩昨自荆蠻來扁舟泊彭澤我思靖節翁名利輕
一葉蚤賦歸來篇秋菊有佳色悠悠千載間高風景先
哲

童暄詩淵明高世士小試暫牛刀江山非典午富貴輕
鴻毛胡爲向督郵五斗時折腰歸來三徑中黃花霜露
饒

蘇秉衡詩白日忽見匿浮雲結幽陰薄宦豈初志歸與
遂吾心池魚復深淵籠鳥返故林褰衣適邱隴荆杞日
已深彼美東籬花不受霜霰侵掇英樂眞賞南山對孤
吟

邱濬詩桓公事業晉山河觸目傷心可奈何籬下菊花
門外柳時時相對醉吟哦

許纓詩三徑黃花酒一瓢清風高節孰能超居官未久
休官去只爲當年懶折腰

周縉詩祿在他人道在身肯將名節喪風塵歸來三徑

秋風裏還與黃花作主人

張連詩脫却樊籠返故山黃花小徑有餘閒當時誤入
劉家網安得清風滿世間

何寬詩陶令今千載風流尚在茲江山標勁節松栢老
芳祠避世惟三徑逃名只一卮南朝留處士心有紫陽
知

張一貫詩出岫無心似白雲輕將綬解遂初盟甯因松
菊求人伴却許田園得我耕樽酒何曾關世事籃輿到
處愛山行至今晉代誰同調柳自依依風自清

德化縣志

卷十一建置

壇廟

四十二

劉迎詩筆頭竒處發天藏事遠懷人涕泗滂餘子風流
空魏晉上人談笑自羲皇折腰五斗幾錢值去國十年
三徑荒安得一堂重寫照爲公掛酒瀉蕉黃

張以甯詩五柳門前秋葉衰南山佳氣滿東籬白衣人
到黃花外正是先生望酒時

羅叔詩典午山河已半墟先生解組賦歸與柴門寂
寞黃花滿案上香醪架上書

傅榮詩瞻仰南山意獨深託渠微事笑投簪若非朱子
春秋筆千載誰能識此心 北窗清夢午初醒斗粟床

頭未滿瓶何事先生早歸去豆苗荒落草青青

顧祿詩我思彭澤翁既仕復中止偶賦歸來篇解印就
田里晉恩詎能忘宋聘終不起所以義熙後紀年惟甲
子菊以持晚節秫以供酒醴雖云折腰懶所託有深旨
美哉處士書紫陽乃知已嗟嗟莽丈夫泉下當愧死

國朝編修寅保詩歸去來兮否高風想像間一官偶彭澤
千古尚南山柳老春光淡菊荒野徑間折腰慚 芳
躅有誰攀

濂溪祠在廬山之麓去城七里舊爲書院明正統初立像

德化縣志

卷十一建置

壇廟

四十三

後圮蕪宏治間提學副使邵寶請於朝大新之中祀周
子以二程子配焉歲久堂廡漸傾乾隆二十年知縣高
植清丈祠基復建書院構左右肄業房舍十二間其詳
見學校書院條每歲春秋致祭二次與靖節同

宋朱文公詩北渡石塘橋西訪濂溪宅喬木無遺株虛
堂惟四壁竦瞻德容睟跪薦寒流碧幸矣有斯人渾淪
再開闢 平生勞仰止今日登此堂願以圖象意質之
巾几傍先生寂無言賤子涕泗滂神聽倘不遺惠我思
無疆 發明正學久無聞千載寥寥獨見君喜有人能

宏此道定知天未喪斯文潯陽遺俗堪垂則溢浦流風
又策勲我率諸生拜祠下要令今古播清芬

明王守仁謁祠詩木偶相沿恐未真清輝亦復凜衣巾
簿書曾屑乘田吏俎豆猶存畏壘民碧水蒼山俱過化
光風霽月自傳神千年私淑心喪後下拜春祠薦渚蘋
羅洪先詩匡廬開曉霽懷古見芳襟溪水清堪泝林風
靜自唵山如蓮乍發庭與草俱深此日生芻蕘還同執
贄心

國朝知府董榕謁祠詩風月含元氣溪山感夙遊粵蓮天

德化縣志

卷十一 建置

壇廟

四十四

可接翠草地長留心法開伊洛神墟合魯鄒濯纓還采
藻樂意許同求

岳忠武王祠在文明門內太甯鄉舊爲岳王宅旁有洗兵
池宋乾道六年建明正德七年知府李從正重建屏牆
石刻盡忠報國四大字方五尺今燬

國朝康熙六十一年都司蕭維翰城守王用瑜建中廳爲
更衣處雍正八年知府蔡學顥重修乾隆十九年知縣
高植以祠宇欠廠蠲建中重前後亦俱加廓焉每歲春
秋致祭與靖節濂溪同

明巡按孫慎仰忠祠記宋鄂國岳武穆王故有祠在江州察院之左其旁有洗兵池岳公井王節鎮茲土此皆遺跡云詳見郡邑志歲庚戌予受命江西戎務粵閱歲壬子春按巡江州仰王之烈造祠而謁焉拜瞻遺像悲酸若不自禁於是喟然嘆曰嗟乎是孰使然哉吾少也稽古嘗覽王之事誓復

二帝之耻義斥權奸之和百戰馳驅期酬素志是故勲業蓋當世至誠貫金石正氣塞天地然竟殞首而死殘忠以遂奸翦輔以媚讎嗚呼傷哉每恨弗得裂聚奸臣而

德化縣志

卷十一建置

壇廟

四十五

碎其軀起王於九原而爲執鞭乃今親登其堂睹其像能不戚然感悄然思以悲乎旣而視其堂室風雨雖僅蔽棟宇卑隘垣墉就圯藩拔級夷庭材禿缺乃復喟然嘆曰嗟乎是豈所以崇敬大忠者乎竊聞之鳩衆者著其表彰化者運其機詔遠宏烈者罔恤細以輕鉅上之人欲作忠義之氣於下能於是乎愬然哉况潯陽爲東南襟喉之地無事則漕利所通有事則東連吳會西接荆湘爲天下必戰之地往歲逆濠之變足徵也當濠之時非有虎哮鷹揚之勇徒以烏合之衆一鼓而下江州

人心瓦解束手就降之恐後何哉忠義之道昧於下而武穆之風未嘗作於上也使當時崇敬武穆知忠義之不可已則順逆之分明雖或衆寡不敵但嬰城固守不數十日而救兵至矣豈遽狼狽如是乎予於是益見猖率之不可無道而崇王之祠不容已矣乃詢之兵憲陳君陳君曰是吾意也將欲修之未遑乃復下之府議府議報曰允宜遂諏日命工費取於道之贖金量力而動不愆於素越三旬而訖工陳君乃颺言於衆曰武穆生爲忠臣死爲忠魂惟茲祀典之秩將求其所以爲忠也

因祀以興思豈惟官民之急務亦衆之自砥其行以全其是者也衆譴然曰誠哉吾人其知所興矣陳君於是告其成於予予乃表其祠曰仰忠因竝書其事於石祠之增廓丈尺架數俱列之碑陰復係之詩俾祭王者歌以侑之其詞曰

嗚呼皇天不可譏蝮蛇肆毒龍死湫宋家山河百二州
坐令板蕩成羶裘使我憤惋淚長流拔劍恨不斬佞頭
王死於今四百秋祥雲赤曰忠未浮忠魂陟降帝鄉遊
正氣勃勃慘不收化 河漢昭斗牛精光下燭故都愁

於粲灑掃陳殽羞坎其擊鼓紛歌謳神不肯來蹇誰留
天門廣啟風颼颼翻然載駕雲中轉兩旗高拂劍鳴秋
低徊漣倦眷綢繆神不少留我心憂暮雲噎噎山之幽
潯陽滿極江悠悠

國朝知縣高植重建廟記乾隆十六年四月予自銀城量
移德化德化爲江州附郭邑城東偏舊有岳忠武王廟
以王常節鎮此地故廟祀焉王生前威德與夫赫赫忠
孝大節巍峩廟貌宜宏厥顧甚狹隘耿然於心病力未
逮忽忽數年夫古來名將帥多矣然罕與王比若其功

德化縣志

卷十一 建置

壇廟

四十七

垂成不就厄於權奸得禍慘而遺恨深者尤以王爲最
王英銳不可嚮邇然雅歌投壺絕異武健所爲如古樂
毅諸葛亮雄畧冠千古去就出處言論丰采雍然儒者
氣象未遂厥志論者憾焉然樂毅去燕亡趙孔明六出
祁山功雖未就皆得善終王何如哉戮力中原燕雲唾
手不錄其功而並不蒙放廢欲如燕惠中田單之間後
主入黃皓之讒走樂生而召相亮又豈可得焉夫宋帝
聽左右之言而誅功首齊王用孝徵之讖而戮相王如
檀道濟斛律光有功無罪何嘗不橫被衍楊然三十六

著已無足重明月百升語有可疑如王精忠貫日奴隸
皆知北渡淮河捷音數至而忽中道改路促以一十二
金牌此又何說也古者忠勇所激義忿所昭如顏常山
張睢陽皆勲著危亂終於殘滅然強寇亟攻勅敵爲害
雖不保首領臣力竭而奇忠顯朝野震驚功屈而志伸
王則敵國在同舟旣長城自壞而復矯誣鍛鍊至於寃
沉黑獄嗚呼以功若此以禍若彼豈不恨哉故曰得禍
慘而貽恨深未有過於王者也攷縣境有王母墓論王
忠孝臨安爲駐蹕之所潯陽爲廬墓之鄉精靈依戀兩

者相等今虎林廟宇崇宏巍煥與湖山相照耀而江州
數椽卑隘褻王甚已廟之制視前較廠中重橫廣倍昔
時其高則增舊十之三焉前後亦縱橫加廓經始於乾
隆十九年冬落成於次年之三月襄其事者舒生秉壘
夏生銳丁生光輝許生文潔王之裔岳生開德奇溇任
其事者愧余而主其議者漁山董郡憲郡憲之致敬禮
也每過王祠或瞻拜必顧余而嘻亟商式廓籌畫曲至
功是以成若其心理大同興聞百世過王祠者士夫而
外農夫村婦皆太息匍伏扼腕歔歔不自知悲憤之何

自而生涕泗之何自而集王之功烈矣王之禍竒矣而王之昭回者在史策在詩歌在祠祀在人人心眼嗚呼豈有遺恨也哉

明鄭嶽詩石磬方池幾百年岳王舊宅世猶傳格天高閣今安在葛嶺荆榛野雉眠

國朝知縣高植謁廟詩廬岳崇高江水洪血誠千載竝爭雄中原戮力空回首報國由來只盡忠 雙劍凌空當戶排江風動地尚聞雷潯陽城裏祠忠武此日金牌召不回

德化縣志

卷十一 建置

壇廟

四十九

李忠文公祠舊府志云在府治東豐儲坊祀元總管李黼賜額忠烈舊在四牌樓口明宏治三年知府童潮遷此以姪秉昭配焉左爲靖節祠外有牌坊曰忠節流芳

按謚

忠文志
忠烈字誤

國朝順治年間爲戎府所侵屏牆是其基也乾隆十九年署知縣事江岷改建於八角市考棚之右祠宇一重前有坊鐫崇烈祠字廂房二間每年春秋次丁致祭二次

明周敘記有元之季青陽余公闕守安慶孤城與賊力戰百餘屹然爲江淮保障者幾七年糧盡援絕死之妻

子偏裨皆不屈相從以死當時江州李公黼守上流預料時危修城訓兵爲備禦計賊不能逾匡廬彭蠡以窺江右者黼之功也卒之力盡不支先余公城破死之嗚呼悲夫余嘗謂唐之亂也賊起於朔方顏杲卿奮義河北張巡許遠力守睢陽皆先後相繼死賊而唐遂以中興元之亂也賊起於南方李之江州余之安慶與顏張甚相似其死也不能救元之亡何哉於此足以見其君臣政治得失紀綱振靡不但其國家之德澤淺深足徵而已蓋唐雖明皇晚年耄荒而代以肅宗有郭子儀李

光弼諸臣爲之輔紀綱賞罰尤秩然可仰元順帝在位荒淫日久百度廢弛當時羣臣靡然相師號令不明賞罰不嚴淪溺敗壞不可救藥雖有二君子之烈如唐顏張輩不能補其亡也此其所由異歟嗚呼悲夫余嘗過安慶知青陽事甚悉獨江州每歎未嘗一至茲奉命往使衡湘獲經二郡徘徊於大江層城之間英風壯節凜然可想乃爲詞一章以弔之嗟夫使元紀綱稍振則公之死豈徒然哉詞曰凝遙睇兮江州屹孤城兮上流弔英魂兮何在慨元政兮不修政不修兮佚遊偉郡侯兮

良籌訓兵兮繕甲擁猛士兮貔貅羣兗張兮援絕天不
祚兮奚尤臨大節兮不奪凜勁氣兮橫秋峙匡廬兮我
峩渺九江兮悠悠君令名兮同永增余心兮煩憂

國朝瀋陽唐英碑記李公名黼字子威潁人也由禮部侍
郎出爲江州路總管元至正十二年二月甲申賊破城
遂戰死郡民哭之具棺葬於東門外塚不可考郡民後
建八角亭於東門市上礮石立碑誌不忘也舊有祠以
奠春秋日久傾圮祭亦失所豐潤董公典潯陽郡姑蘇
江君攝篆德化倡議立祠建石於廡以表忠義以綿祭

德化縣志

卷十一 建置

壇廟

五十一

祀囑余作記用敘顛末余榷潯關歷十餘載山川名勝
與夫先賢遺事故老傳聞常究心焉於元史讀李公本
傳未嘗不掩卷而三歎也順帝末年仁柔不斷奸相弄
權朝事蝟亂國勢瓦解以致奸宄蜂擁盜賊鵠起鬻切
九州瓜分四國如韓林兒陳友諒方谷珍張士誠陳友
定胡士珍何真虎等擾亂中原謀臣策士盡皆束手至
正十一年夏五月盜起河南北據徐蔡南陷蘄黃武昌
威順王及省臣相繼遁舳艫南下西江大震破瑞昌右
丞李羅帖木兒聞之遁攻九江分省平章政事禿堅不

花自北門遁賊兵至甘棠湖焚西門公率黃梅主簿也
孫帖木兒張弩射之賊不得入轉攻東門門破公與從
子秉昭與賊巷戰揮劍叱賊曰殺我毋殺百姓賊刺公
墮馬公與從子俱罵賊而死闔門殉節無一存者事聞
贈公攄忠秉義效節功臣資德大夫淮南江北等處行
中書省左丞上護軍追封隴西郡公謚忠文詔立廟江
州賜額曰崇烈官其子秉方集賢待制噫論者謂公之
忠義激於一時而不知公本於性生得於學問者至深
且遠也公父工部尚書諱守忠性卞急好飲酒公幾諫

不從跪而自訟往往達旦立朝日倡言一切禮制每以
古聖賢心法呈於帝座巡視河渠備言運河利弊既因
廷議內外官通調授江州路總管上攻守之策於江西
行省請兵屯江北以備不虞行省不報事急治城壕修
器械募丁壯分守要害又以長木數千冒鍬椎於杪暗
植水中逆刺賊舟謂之七星樁賊舟遇樁不得脫進退
無措公帥將士奮擊發火翎箭以射之賊死萬餘人行
省上公功請拜江西行省叅政行江州南康等路軍民
都總管便宜行事未及報公死踰月叅政之命始下嗚

呼晚矣當日誠如公言屯兵江北且授公以叅政猶可
殺盜賊以守城池建功勳以報朝廷乃以孤城孱旅內
外援絕迫於危急之秋死於賊人之手豈不悲哉豈不
悲哉然而跪自訟往往達旦公之孝於親也出守江州
以死報國公之忠於君也典禮遵乎古治言論本於聖
賢公之明於大體誠於啟沃也造七星椿以殺賊賊死
無算公死之日曰殺我毋殺百姓公之智勇兼全仁義
皆盡也公家人奴僕皆視死如歸相從泉下較之武昌
威順王右丞李羅帖木兒平章政事禿堅不花輩抱頭

鼠竄而遁者爲何如哉公生之年義勇足以衛民人死
之日忠烈足以泣神鬼志雖不得行於當時而名已垂
於千古迄於今春秋設祭垂爲祀典報俎豆而薦馨香
與匡山潯水竝傳不朽公亦可含笑於地下矣若夫成
敗存亡之故天也豈人事哉公祠告成上位之日郡民
歡呼同官畢至庶忠魂有棲息之所億萬斯年作郡民
保障凡四方遠近以及匹夫匹婦皆得瞻公之祠而感
激奮興於忠義祠之建也所係豈小小哉也孫帖木兒
元史未詳而忠義亦可與公竝傳矣公年五十五兄冕

居穎亦死於賊秉昭父也元史連類而書重義士也

明邵寶詩江上孤城力欲支忽驚風急撲旌旗已無天
訴吾窮矣幸有人書某死之不負大魁真此地終爲厲
鬼是何時憑誰合祀余安慶再刻文山雙廟詞

黃瀚詩乘機規畫動如神獨力撐支志莫伸仁義殉身
同李芾衣冠敵愾見張巡旌忠特表無雙士射策曾爲
第一人生死兩魁天下士男兒端不負君親

張璽詩一劍曾當外侮侵可堪多難巧相尋竭忠殉國
臣無愧盡瘁援城力獨禁天地不仁淪壯節煙霞無路

德化縣志

卷十一 建置

壇廟

五十四

寄哀音最憐猶子能同死萬古難磨鐵石心

王文成公祠在縣治南舊府志云卽陽明書院明萬厯間
兵巡道葛寅亮建

國朝順治十七年推官胡宗虞重修每歲春秋致祭

陳氏宗祠在府治東百餘步祀宋義門陳兢乾隆九年知
府施廷翰知縣顧錫鬯詳請每歲春秋致祭

宋太宗賜額至公無私

至道三年賜御書三十三卷竝眞良家三大字

祥符四年命陳旭爲家長賜誥勅云早彰表履克茂清

規儒業傳於世家義風激於閭里宜膺霈澤用保喬年
特頒綸綍之榮式光庠序之列可特授將仕郎守江州
助教

天聖二年命陳蘊爲家長誥勅一道敦儒術以修身篤
義風而睦族鄉邑所尙年德可嘉俾叅籍於郡庠用昭
榮於里閭欽承朝渥益懋成名可特授將仕郎守江州
助教
天聖四年宣陳兢於朝賜一雀欲觀其所爲兢持歸研
和醞酒一石闔門三千餘口遍嘗其味

德化縣志

卷十一 建置

壇廟

五十五

明嘉靖三十二年奉勅建義門坊曰義門陳氏遺址門
曰敦睦

宋太宗詩水閣山齋架碧虛亭亭華表耀門閭祖宗還
卜林泉計子姓相承孝義廬原上鵲鴿常救難亭前棠
棣每添輝潁川郡派傳千古芳振江州紹有虞

張齊賢詩金鸞朝罷月如銀環珮鏘鏘出鳳城借問江
南誰第一僉言惟有義門陳

廬山四仙亭卽舊府志所載聚仙亭在天池之西明洪武
二十六年建因周顛仙天眼尊者徐道人赤脚僧故名

每歲春秋致祭

陶靖節墓在楚城鄉面陽山之麓去縣治南九十里

周濂溪墓在城南十三里清泉社栗樹嶺下

明童潮濂溪墓祠堂記宋濂溪周茂叔先生墓在郡城南清泉鄉栗樹嶺之下迄今五百餘年所謂濂溪書院則在其北相違五六里許春秋釋菜之事多行於書院而墓則罕謁焉潮泣郡展禮於書院因至墓所林木覆蔽榛棘叢生命役剪薙以入而墓塚累然始見按墓表宋熙甯辛亥先生聞母仙居縣太君鄭氏墓爲水所嚙

德化縣志

卷十一 建置

壇廟

五十六

乞知南康改葬廬阜清泉社三起山次年壬子上南康印綬就廬阜書堂又次年癸丑先生不祿就葬仙居縣太君墓左配陸氏縉雲縣君繼配蒲氏德清縣君墓皆在是嗚呼先生之碧旣化於斯神豈遠乎於是庀材命工創祠堂一所於墓前堂凡三間尸先生像於中匾曰宋元公濂溪周先生祠中又別建愛蓮室三間室前鑿二池植蓮於內本其所愛也前祠門一所匾曰濂溪周先生墓外又置民田地山塘四十七畝一分零給付本都道紀司都紀蔡元微掌領之收其所入以爲祀事之

需數年春秋祭祀皆行於中祭畢瘞土於墓而歸潮惟先生本道州人而簿分甯知南昌又知南康軍皆此一方之地而又沒於此焉則此地亦爲先生之闕里也先生發伊洛之源上繼洙泗千載不傳之絕學而太極之圖易通之書直與六經相表裏其功之大自孔子以來未之有也先生已從祀孔子廟庭矣茲墳墓所在之地學先生學而祿於斯者可忘其功而不爲立祭田思所以報其本乎志有朱子祠堂記畫像記載先生事實甚詳末學敢贅言以蹈潘氏銘墓之譏聊取建堂置田年

月記於石上使後有所考云

邑人余文獻修濂溪墓祠記往嘉靖戊申歲今楚邳何公在南都時同署多問學於公所公固各有所劑總之不離無欲之旨云已而語獻曰頃適君九江時南出謁濂溪先生祠稍轉而東謁先生墓墓亦有祠寺守者曰道國祔葬母太君左二夫人亦祔予低徊四睇墓隆隆而封者一耳何也獻曰聞先生少孤母鄭依舅氏葬潤州潤苦水先生乃改今所吉水羅君曰先生旣祔母左二夫人必祔姑右矣太君窆當在中公曰吾意良與羅

君同公又曰相傳先生雅愛匡廬故依依而終老焉卽如此營道非邱壠地耶獻曰方先生之甫構堂也語友人曰束髮爲學將以施設澤民必不得已止未晚也此顧依依匡廬者耶譜謂先生有兄礪奉先邱壠又次丁留江州則先生之志又曷嘗一日忘營道耶公曰吾意與君同獻因問公以先生之學本旨安在公曰本旨在無欲夫古今言學者人人殊矣百家皆有欲惟聖學無欲應物變化胸中常一而不有耳嗟乎此豈見解而以意標剝者哉故先生之蘊雖圖書不能盡其意如或

或處或去或終老而不返大率此可見者耳是足以盡先生乎獻曰乃今知公時時論無欲者本諸此丁巳歲上拜公都御史撫我江土己未冬下郡守朱君曰藩經紀墓祀通判邵元推官楊徵知縣林時芳相繼課護之乃增置門堂翼以兩封泐者完橋墮者甃漫漶者釐三閱月工告成公皆有題題正堂曰斯文中興嗚呼制亦少備矣又正祠左侵地五丈構號舍二十四間以處諸生之來學者公題其堂曰無極無極卽無欲之體云公以言抵獻曰君實土著濂溪之濱且往年語墓制亦有

自今宜紀之獻執書歎曰士嘗恨靡有所聞獻得聞教於公所業已十年往矣循習猶故吾也今而後甯復冀有尺寸進乎詩曰景行行止我實不行終將安止哉以故論次往昔所聞以志吾悔亦以告來者使知公事先生之學在本原匪直在崇重云公所著有友問集羽翼周子之學甚力士多傳不具記

國朝乾隆三十年巡撫明山學使周煌檄查濂溪祠墓田地以資後裔養贍時知府溫葆初稟據署知縣吳士澐查明正德間碑載增置田三十畝零七分監督宋 置

德化縣志

卷十一 建置

壇廟

五十九

田二十畝萬厯間按院張 置田三十畝七分均後裔各立戶名分管典賣僅周世奎等現管田四畝五分山地十八畝查繳典賣田契缺田九畝實以年遠兵燹無從根查後裔俱赤貧無力須籌項歸贖至現在同姓甚衆有竝非嫡裔而詐稱者不少應傳喚祀生查明世系另立譜籍鈐印以杜混冒等因稟奉批司妥議轉飭縣府勘詳署縣吳士澐查清濂溪祠田計七十九畝七分并遺赤松船頭一湖在防廳歲納稞銀五兩九錢八分應同石塘舖祠左碑載乾隆二十九年令周千里教

諭周鴻基清出濂溪湖設法取息一體辦理其田畝各處有原存原佃其餘異宗異姓俱樂捐歸祠業飭教諭勘明坵段繪具圖冊另佃取約存學照畝納租糧立濂溪總戶以杜假冒每歲除完糧辦祭修理之外查照嫡裔戶冊按名給租至捐田士民俱慕義爭先竝請嘉獎詳奉藩司錢琦批據查出祠田七十餘畝士民俱各樂輸殊可嘉尚但嗣後假手祀生恐有侵漁交儒學又必假手學書門斗難保無弊卽飭在於嫡裔中合選端慤之人公同辦祭散息至如何立法不致再有典賣之處

妥議另詳是年學使周煌捐銀一百六十兩添置黃田灣田八畝一分印契存府周煌有記勒碑儒學其田俱給嫡裔養贍守墓嗣經知府溫葆初詳覆濂溪祠田查明嫡裔業經縣學傳集切隣紳士擇報端慤之人公同收租辦祭散息每歲底令出族內竝無盜賣甘結由學送查田湖如有更換公同報學不得私換承佃以致復行典賣祠墓已經前令監修完固每歲田租約存錢二千千貯學後需修費由學協同祀生并經管者公同支領不敷以本年之租扣補仍造工料冊詳送餘穀該學

公同按嫡裔印冊戶口給發不許私銷詳司核轉奉巡撫吳紹詩批如詳另立濂溪戶名嗣後典賣者全買田之人一體治罪田追完祠價銀入官仍將各產坐落地名數目勒石墓側以垂永久竝飭將每年該祠收支各項數目造冊報銷繳其田產坐落數目及捐田士民并監理選報紳士名姓俱勒碑陰奉飭送胙又石塘舖分路墓道碑亭左右餘基寬長一丈五尺其前教諭周鴻基清出濂溪湖興築閘壩召佃取租一切事宜另有詳案碑記故不具述

周煌增置濂溪祠墓田碑記濂溪先生生於道州卒於南康前明學使者邵寶疏曰九江之地生寓精神沒藏魄體與故里相類九江實南康軍也乙酉夏余從星子赴潯郡欲展謁先生祠墓而騶從未省所在相距數里未得一至焉至今猶以爲恨按志墓在德化縣德化鄉鄭太夫人墓左兩夫人祔墓下有祠去墓七里石塘橋有湖湖上爲濂溪草堂自宋及明屢有修建并著祀典咨取道州正派供祀置祭田其始自道州來者曰周綸乃先生十三世孫不數載仍歸道州所有遺業日就蕪

沒承襲祀生周士爵稍加清理嗣世微弱遂使祭田湖港悉被侵漁寥落之感不獨在土類也試畢稔知德化教諭周鴻基躬先倡率經理湖港界址賃貲有責因其餘力修葺祠墓刻期竣事余深嘉之因念舊田爲數無幾周氏子孫卒不能以有立爰輸廉俸若干兩囑九江太守溫葆初爲之增置民田而署撫軍明公竣菴見志中載有撥給田四五十畝之語檄守查實以聞於是得現管田四畝五分私售田六十七畝二分詳請籌項取贖則有從前誤認民田價買管業之生員夏熙鄭梅羹

皆悔悟輸公無有吝色旣允鴻基所請給匾揚勵余亦以是年任滿將行得太守報知已增置田八畝一分其地在墓傍黃田灣與前明巡按張公監司林公捐置之田相近乃益歎先元公之靈爽式憑若有神助而賢太守之克董厥事以不愆時日爲不可泯也今而後繕修有資祭祀有賴饗殮有繼世世承襲俾熾爾昌高山景行之思其引之勿替也乎因爲刻其始末於石其契券并存九江府以杜異日佔賣諸弊至於有基勿壞式廸前光是所望於後裔之賢者不少

羅澤南重修濂溪墓記潯城東南蓮花峰下濂溪先生之墓在焉咸豐五年春澤南與李子續賓督師潯陽攻戰之暇往謁之其中爲鄭太君墓乃先生所自卜者先生沒祔於其左右則陸蒲兩夫人也歷年久墓圯因與李子購陶甓與石重修之監生李蘭亭外委謝維德暨先生之二十二世孫周文珍董其事閱一月告成吾道之明晦世運之盛衰所由係也孔孟旣沒聖賢不作天下之士不馳驚於功利則陷溺於虛無古人修己治人之學不復講求六朝五代攘奪頻仍生民之禍至此已

極無他聖學不明故也先生生千載下奮起湖南不由師承默契道體圖太極著通書四十章用以示天下後世孔孟之道燦然大明其所以爲世道人心計者至深且遠蓋聖道明則學術端學術端治術因之而正經正民興自有以消天下之邪慝而泯其亂向使天下後世之士盡能學先生之所學求合乎仁義中正之道以之修身則身修以之治世則世治上有禮下有學又何至賊民紛起重貽斯世之憂也哉救亂如救病養其元氣邪氣自無由而入感懷時事興念斯文益不禁有味乎

先生之道且深有望於天下學先生之道者也墓西北五里爲濂溪書堂先生愛廬阜山水之勝結廬於此道光二十九年圯於水兵火頻驚不能爲之復修尙有俟乎後之君子

何之曙恭譔周俊薰復興濂溪祀事記祖龍一炬孔孟之道幾晦經有箋與注漢儒功也箋注有疏與正義唐儒功也而研精微洞本源俾天下萬世從事於心與身者宋儒功尤偉其根芽實肇自濂溪濂溪營道人宋營道今道州也官南康軍二程子皆受業過廬山蓮華峰

下觸知仁山水之樂居其地因營道故居有濂溪卽名其地曰濂溪迄今太夫人及公與夫人墓書院墩故址皆存守墓有嗣孫春秋有官祀

朝廷敬禮至厚獨手澤無一存者賴公九世孫鉛德當僞漢竊據江州時抱公所作太極圖逃之王仙鄉居焉今土人尙名周家邊其孫文顯遷清塘燕窩裏顯子四長孟嘉次端次雄次甫嘉之後居清塘甫之後仍守田庄端雄之後丁口繁而庄落星散俊薰集嘉甫二公後告之曰太極一圖永存清塘誠懼其失八月中秋日當公

誕期懼褻圖而辱先賢也陳圖展祭齊集子姓肅衣冠
戎馬屢經祭金告罄復爲十會諒力捐穀眾皆諾而其
舉遂成夫以濂溪之道德闡孔孟開程朱其心一聖人
之心其身一聖人之身其不可磨滅固不在圖之有無
也且其圖首列性理一書藏之秘府散於庠序有井水
處皆見之知其解者鮮矣覩此原本卽能了然於心與
口乎顧以大賢留此手澤是衡嶽洞庭匡廬鄱湖之神
靈所呵禁而擁護者而周氏子孫能奉以爲寶洵不愧
大賢後矣

岳忠武王母姚太夫人墓在白鶴鄉株嶺之麓去縣治南
四十里層峰疊翠如堆螺狀王鎮九江時高宗賜葬於
此正德十二年知府汪穎卽墓所建祠後燬於兵裔孫
繼善等重建茅屋三間尙存

岳忠武王妃李夫人墓在白鶴鄉太陽山之麓去縣治南
亦四十里其地環峯面日孝宗賜葬於此後被居民侵
佔致訟 國朝乾隆五年巡道李根雲知府施廷翰知
縣景師毅勛復建碑砌築拜臺狀如壇壝左立聲敘碑
右立封禁碑

〔知縣景師毅聲敘碑記〕勘審得岳思先等具控陳天彝
祖人洗佔夫人李太陽山墳墓一案其弊始於嘉靖年
間之前其禍起於嘉靖年間之后何則岳武穆精忠貫
日義勇驚天生平德行史不勝書當有宋紹興年間武
穆鎮守江州太夫人姚卒葬於白鶴鄉株嶺山之麓夫
人李卒葬於太陽山之麓忠臣慈母卽三尺之童亦知
敬畏孰敢侵沒其墳哉祇緣嘉靖初年宸濠倡亂居民
星散岳氏子孫蕩然無存荒山野草無主孤塋人人得
而侵佔此卽其弊始於嘉靖年間之前也迨嘉靖六年

天啟四年疊修何志陸志夫志必有所本何陸以前卽
童志係宏治九年修輯載明岳某妻墓在白鶴鄉太陽
山之麓其地環峰面日因葬焉乃何陸不本於童而又
另撰夫人李氏亦附葬焉從此以後胡志江志雖經更
註終有形跡以致岳陳二裔自崇禎二年以至於今訐
訟不已案牘充棟此卽其禍起於嘉靖年間以後也雖
原卷年遠無存而抄卷兩造各據今卑職奉 憲飭勘
遵卽親詣太陽山見舊葬一墓上刊陳崖叟之墓字樣
別無塚形陳天彝等供稱此名柵嶺竝非太陽太陽山

在河之東尚隔河坂與株嶺共脉等語卑職據其所指而觀此山亦樹木森森墓墳疊疊現今業其山者竝非一家一人又行六里遙登株嶺見姚太夫人墓巍然一座蔭木森森一墓之外毫無附葬隨訊兩造供詞各執一見卑職細查此案歷經院司府縣議論讞斷無微不悉是否太陽柵嶺其山既不能自鳴其名陳人又奚肯自首其實爲歲愈久機巧愈密縱有李夫人墓跡亦必消滅殆盡斷非今日踏勘所能剖決者惟是情雖變幻理有一定如李夫人果附葬於株嶺當崇禎二

年岳聯霄卽出搆訟維時去嘉靖爲歲尚近必有附葬形跡何難一踏而定可見株嶺之無附葬也明矣若謂太陽山不名太陽而名柵嶺太陽另在河東與株嶺共脉等語查株嶺去河東更近如果河東係太陽此山現今樹木森森墓塋疊疊竝非不可爲葬之山岳聯霄何故迂迴其事舍河東本有之太陽而必以柵嶺爲太陽耶如謂有意圖謀何不卽指柵嶺爲李夫人之墓乃又改易其名留爲陳氏口實耶况太陽者面日之意若河東則坐南向北矣太陽之義何居且童志修於岳陳涉

訟之前早已載明李夫人葬太陽之麓如又指斥爲非則山不能言俱可更易其名指鹿爲馬矣復又細繹陳姓抄呈嘉靖年間姚夫人墓碑云離此山四里許地名將軍窪土壤已平鄉人因郡志有李夫人附葬焉之說多疑爲李夫人之墓等語按四里許未必非今之六里許將軍窪未必非今之太陽山也有附葬之說卽多疑爲李夫人之墓則附葬二字此時卽不拘泥卽在株嶺山也又稱先年有石將軍故因此名則此處或有古時某將軍而李夫人墓又隱沒於何處也等語此論誠有

未當蓋石人翁仲也名墳俱有墳有石將軍故因其名容或有之若古時某將軍墓故有石將軍則石將軍之外往往有各種石形又將何以視墓耶且旣稱爲附葬則李夫人葬處已有其所矣何以又稱李夫人墓又隱沒於何處也卽此觀之愈見李夫人附葬株嶺之不確按李夫人志載 宋孝宗賜葬是賜葬之墳固有石人洵無疑義不然古時某將軍試問誰爲某將軍豈毫無指實竟可臆爲揣度乎無怪乎訟端不絕結案無時也惟陳崖叟葬於嘉靖爲歲甚久從前縱有侵佔不忍一

朝更改查康熙年間前任亦有祇立李夫人一碑之議
在陳人惟恐一經立碑則墳山樹木皆爲岳有故硬抗
而不遵也今卑職議請陳崖叟墓照舊毋動卽於陳墳
之上立李夫人一碑以爲神依之所嗣后岳陳二姓均
不許添葬亦不許擅伐樹木如是則李夫人忠魂有託
而訟端永息塵案可結矣緣奉批飭勘審事理是否有
當卑職未敢擅便擬合詳候 本府鴻裁核奪該九江
府知府施 覆查得岳忠武王爲臣盡忠爲子盡孝
偉績奇勲標垂汗簡當節鎮江州之時太夫人姚氏賜

葬株嶺夫人李氏賜葬太陽山先代遺隴相傳已非一
日明宏治九年童志所載亦爲甚晰則凡有血氣之倫
無敢爭此土者詎意嘉靖初年宸濠倡亂岳氏子孫逃
避星散乃有陳守仁乘間踞佔嘉靖十年以父母盜葬
太陽山竝將李夫人之墓洗滅焉嗣是之后構訟無已
雖其間有斷山歸於岳罪歸於陳者有議立李夫人墓
碑於太陽山者然自崇禎二年以迄於今判案屢移此
岳思先又有此日之控也因查李夫人之墓葬於太陽
山陳崖叟夫婦之塚爲侵 盜葬其理之易白者有三

如宏治九年童志內載姚太夫人李夫人二墳原屬兩山陳姓則以嘉靖六年何志天啟四年陸志均載李夫人附葬株嶺爲據不知宏治九年之志在前嘉靖六年之志在後修志者如先代古墓所在乃不原本於前人舊志而忽爲改易其故何歟謂非陳守仁早有謀葬之心卽於修志之時預伏改竄張本洵無他故所以改志在嘉靖六年而盜葬卽在嘉靖十年此何志顯不足憑而陸志悉踵何志亦殊不足據矣况順治十八年胡志以及江西通志俱與童志無異則

本朝文獻昭然詳考互稽豈得一概抹煞而不論耶此陳姓之侵沒盜葬一也又如何志陸志內載李夫人附葬株嶺如果附葬則株嶺既有姚太夫人之墓現存卽當有李夫人之墓俱在何以封植宛然竝無附葬形跡夫株嶺旣無附葬形跡則李夫人另葬太陽山可知矣另葬太陽山而亦無舊塋其爲陳姓之毀滅又可知矣不然童志所載李夫人之墓在太陽山乃在岳陳未曾涉訟以前陳姓何以指斥爲非而故爲支吾也此陳姓之侵沒盜葬二也至謂所爭太陽山乃名柵嶺太陽山另

在河東不知童志所載太陽山環峯面日則向東之地乃合面日之義適如太陽之名河東之山坐南向北名不相稱義無所居按其形勢亦非環峯豈得始終牽強以圖抵賴耶況以太陽山爲柵嶺原爲掩耳盜鈴之計崇禎七年德化伍令久已勘破言之鑿鑿矣此陳姓之侵沒盜葬三也夫以侵沒忠武王之山而毀滅李夫人之墓忠孝之心旣無幾希之念盡喪雖以風水之說子孫幸登科甲數傳之間嫡裔已斬其爲地理之難勝天理亦昭昭不爽也是以陳姓之塚雖不起遷不過徒留

踞佔之跡而陳姓旁族何得尙欲居爲奇貨而不悟也且忠孝一門闔相勅尊楚國義骨所藏千秋如在豈忍墳平碑毀弔嘆泯滅耶其太陽山自應仍歸岳氏盜葬之墳事在陳姓前人與現今旁族無干免其置議陳墳姑存無論卽於陳墳上首豎立李夫人墓碑以爲神依表祀之所嗣後岳陳二姓均不許添葬亦不許擅伐樹不竝請 憲臺率同卑府該縣地方官列銜勒石先卽委員豎立卑府再同該縣擇期祭祀封禁陳姓之族如再混爭滋事有職者詳革治罪無職者嚴拿重究庶大

義彰於天下小人凜其 國法且知大忠大孝之足以
感激人心爲不誣也理合具聞詳請 憲臺俯賜查核
批示遵行乾隆五年七月初十日奉 分巡道李 批
凡考古遺跡必以初文爲據如 岳忠武太夫人姚氏
賜葬株嶺夫人李氏賜葬太陽山他書所載無徵不信
宏治九年童志記註甚明此楚國葬地之炳據也至嘉
靖何志忽變舊志而爲附葬株嶺之說其中顯有弊混
若陸志則藍本何志又不足言矣據詳何志係改作於
嘉靖六年而盜葬卽在嘉靖十年則何志所載明係秉

筆者以岳氏奉祀無人九原不作竟欲乘機飄佔故潛
改舊志留作訐訟張本其不足憑已無疑義不然何以
考童志則太陽有賜葬之文據何志乃株嶺無楚國之
墓也今江省通志亦明載李夫人葬於太陽山而未能
排何陸二志之非則未嘗深悉童何二志其間有公私
之辨耳故以今日而定斷岳陳二姓互訐之案必當以
最初之童志爲據况岳忠武之文武智勇冠絕古今精
忠大孝萃於一門我

皇上宸翰褒崇謂公之精誠雖死於檜之手而天下後世仰

望風烈實可與日月爭光是靈爽式憑宜有人心者無不欽仰矣乃至於今而儷德之小君莫保一抔之黃土此誠仁人志士之所爲痛心而疾首者也姑念事隔兩朝陳崖叟之墳盜葬已久免其起遷如詳卽於陳墳之上三丈以內相度善地砌築拜臺狀如壇壝豎立李夫人墓碑道府縣守土各官列銜聲敘原委另鐫一石遣員豎立碑側該府仍率同德化縣擇期祭祀封禁嗣后岳陳二姓均不許添葬一塚亦不得擅伐樹木以息訟端如敢混爭滋事故違禁約者卽行嚴拿重究具報仍

先取具遵依卽豎碑日期封禁碑摹送查母違此繳等因奉此合行勒石以垂永久須至碑者

知府施廷翰封禁碑記爲請示嚴禁永垂憲德以保忠墓事照得 岳忠武王夫人李氏墳墓久奉 巡憲并本府委員豎立碑石嚴行封禁竝令彼地居民遵守看管無許私行踐踏墳墓砍伐樹木在案今據奉祀生員岳思先具稟前事詞稱生祖忠武王夫人李氏 宋孝宗賜葬德化白鶴鄉太陽山本山上自來龍尖峰下至山脚水口左右俱至本山合水於乾隆五年蒙恩封禁

當飭練保管蓄毋許踐踏樹木漸覺蔚然但練保每年更換遠近不一生又託山側住民吳繼昌就近照管無如山口橋人煙鱗集雖不敢肆行砍伐而牧豎民人往往縱放猪牛觸汚碑石折傷樹木繼昌屢行勸阻斥爲局外多事今年秋祭登山微見損壞伏思封禁太陽山憲德應與山樹共永千秋不有專管之人誠恐作踐過甚豈獨有傷碑樹實大負乎憲恩今吳繼昌屋連山側殷實醕良一望而山之四面可通旣已情愿照料理合具稟欽憲太宗師臺前懇祈賞示嚴禁責令吳繼昌專

管并飭山口橋一帶住民不許在本山牧放樵採如不服禁阻許吳繼昌指名稟報庶頑愚知儆忠墓不遭剝削看守維嚴憲德鼎峙喬嶽矣等情遞府據此除票取山口橋居民遵禁結狀外合行出示嚴禁爲此示仰彼地居民並山口橋軍民人等知悉嗣後爾等居民務遵示禁吳繼昌專管看守倘爾等居民仍蹈前轍私行踐踏砍伐樹木抗不凜遵許吳繼昌立即扭稟赴府以憑盡法究懲决不寬貸各宜凜遵毋違特示

三大節慶賀順治間定凡元旦冬至

萬壽節文武官俱設香案朝服望

闕行三跪九叩禮順治二年定元旦節文武官俱服朝服
前後七日十五年定上元節文武官俱服朝服前後三
日不理刑名不辦事雍正二年議定元旦節文武官俱
服朝服前後九日上元節俱服朝服前後五日順治八
年定冬至節照元旦節行

慶賀儀注凡遇三大節文武官員俱於前一日朝服習
儀至本日厥明各官俱至

德化縣志

卷十一建置

壇廟

七十五

上諭亭立通贊唱鳴鼓五通鼓畢通贊唱糾儀官進文武官
進俱以次進至丹陛下通贊唱糾儀官贊班衆官排班
班齊通贊唱跪叩興文武分東西俱行三跪九叩禮興
散班旁立俟糾儀官行禮畢退

開讀儀順治十一年定開讀儀注凡遇

詔書至文武官員具龍亭綵輿儀仗鼓樂出郭迎接齋詔生
下馬捧

詔書置龍亭中南向齋生立於亭東文武官員朝服北向行
三跪九叩禮鼓樂前導齋生上馬隨龍亭後行至

上諭亭門外文武分東西俯伏候龍亭至庭中衆官以次入
序立齋生立龍亭之東西向贊禮生贊排班樂作行三
跪九叩禮齋生捧

詔授宣讀生宣讀生跪受詣開讀案前宣讀衆官皆跪聽宣
讀畢宣讀生捧

詔授齋生捧置龍亭中衆官行三跪九叩禮畢皆退送齋生
回原接所騰黃頒行

經過迎送儀順治十一年定凡

詔書經過地方官員軍民人等俱跪路旁候

德化縣志

卷十一建置

壇廟

七十六

詔過方起康熙二年定凡

詔書經過地方五里以內文武官俱出城迎送五里以外者
不許迎送

講約順治十六年議准譯書六諭令縣舉行鄉約責成
鄉約人等每月朔望日聚集公所宣講康熙九年頒
上諭十六條十八年准浙江巡撫所輯十六條直解照依鄉
約全書刊刻各款雍正二年

御製

聖諭廣訓萬言頒發通行講讀

譯書六諭孝順父母恭敬長上和睦鄉里教訓子孫各安生理無作非爲

頒行十六條一曰敦孝弟以重人倫二曰篤宗族以昭雍睦三曰和鄉黨以息爭訟四曰重農桑以足衣食五曰尙節儉以惜財用六曰隆學校以端士習七曰黜異端以崇正學八曰講法律以儆愚頑九曰明禮讓以厚風俗十曰務本業以定民志十一曰訓子弟以禁非爲十二曰息誣告以全良善十三曰誠窩逃以免株連十四曰完錢糧以息催科十五曰聯保甲以弭盜賊十六

德化縣志

卷十一建置

壇廟

七十七

曰解讐忿以重身命

講約儀注凡朔望日各官及鄉紳士民齊集至

上諭亭庭中設

上諭龍牌南向下記講案北向衆官及鄉紳排班行三跪九叩禮畢贊禮生唱分班聽講衆官及鄉紳俱分東西席地坐聽士民在階陞立聽贊禮生唱鄉約登壇唱十六條目畢又擇生員宣講各條演義講畢退其各鄉村或遣教官親往集講或該鄉紳衿里老隨時宣講如式舉行

迎春儀每歲迎春於東郊出土牛先期塑造春牛芒神前一日各官常服用鼓吹綵亭迎至郡鼓樓內土牛南向芒神在東西向立春日早陳設香燭酒果各官員朝服贊禮生贊排班贊跪叩興各官行一跪三叩禮興贊禮生贊跪贊奠酒領班官奠酒三爵唱讀祝文讀畢贊跪叩興各官行一跪三叩禮興昇土牛芒神行香亭鼓樂前導各官朝服隨後至東郊各官執綵杖環立土牛兩旁贊禮生贊擊鼓樂工搥鼓贊鞭春各官環擊土牛三禮畢各退

日月食救護儀順治元年定日食各官俱於本衙門救護二年定月食各官俱於本衙門救護雍正四年定凡遇日食各官俱集縣堂設香案於露臺上設金鼓於儀門內兩旁設鼓樂於露臺下設各官拜位於露臺上俱向日陰陽生報日初食贊禮生贊排班各官俱服朝服序立贊引生贊進跪叩興樂作各官行三跪九叩禮畢樂止班首官上香畢贊禮生贊跪各官俱跪班首擊鼓三聲衆鼓齊鳴班首官再上香畢衆官俱暫起立以後報食甚報生光上香行禮並同陰陽生報復圓鼓聲止

贊禮生贊跪叩興各官又行三跪九叩禮樂作禮畢退其月食救護儀同

鄉飲酒禮

順治初舉行鄉飲酒禮設賓僎介主酒席凡以申明朝廷之法敦敘長幼之節遂爲定制雍正元年

諭鄉飲酒禮乃敬老尊賢之古制近聞年久視爲具文所備筵宴亦甚不堪應加謹舉行

賓主陳設主知縣如無正官以佐貳官代位於東南大賓以致仕官爲之位於西北僎賓擇鄉里年高有德之

人位於東北介以次長位於西南三賓以賓之次者爲之位於賓主介僎之後除賓僎外衆賓序齒列坐其僚屬則序爵司正以教職爲之主揚觶以罰贊禮者以老成生員爲之

律令凡鄉飲酒禮序長幼論賢良別奸頑其坐席間高年有德者居上高年淳篤者並之以次序齒而列其有違條犯法者不許干與良善之席違者罪以違制敢有誼譁失禮者揚觶者以禮責之

鄉飲酒儀注順治二年定每歲正月十五日十月初一

日於儒學行鄉飲酒禮前一日執事者於儒學之講堂依圖陳設坐次司正率執事習禮至日黎明執事者宰牲具饌主席及僚屬司正先詣學遣人速賓僕以下比至執事者先報曰賓至主席率僚屬出迎於庠門之外揖入主居東賓居西三揖三讓而後升堂東西相向立贊兩拜賓坐執事者又報曰僕至主席又率僚屬出迎揖讓升堂拜坐如前儀賓僕介至既就位執事者唱司正揚觶執事者引司正由西階升詣堂中北向立執事者唱賓僕以下皆立唱揖司正揖賓僕以下皆揖執事

者以觶酌酒授司正司正舉觶曰恭惟

朝廷率由舊章敦崇禮教舉行鄉飲非爲酒食凡我長幼各相勸勉爲臣盡忠爲子盡孝長幼有序兄弟恭內睦宗族外和鄉里無或廢墜以忝所生讀畢執事者唱司正飲酒飲畢以觶授執事執事者唱揖司正揖賓僕以下皆揖司正復位賓僕以下皆坐唱講讀律令執事者舉律令案於堂中贊禮生引讀律令者詣案前北向立唱賓僕以下皆立行揖禮如前讀畢復位執事者唱供饌案執事者舉饌案至賓前次僕次介次主三賓以

下各以次舉訖執事者唱獻賓主起席北向立執事者酌酒以授主主受爵詣賓前置於席稍退贊兩拜賓答拜訖執事者又酌酒以授主主受爵詣僕前置於席交拜如前儀畢主退復位執事者唱賓酬酒賓起僕從之執事者酌酒授賓賓受爵詣主前置於席稍退贊兩拜賓僕主交拜畢各就位坐執事者分左右立介三賓衆賓以下以次酌酒於席訖執事者唱飲酒或三行或五行供湯又唱斟酒飲酒供湯三品畢執事者唱徹饌候徹饌案訖唱賓僕以下皆行禮僕主僚屬居東賓介三

賓衆賓居西贊兩拜訖唱送賓以次下堂分東西行仍三揖出庠門而退

耕藉儀雍正四年定每歲仲春印官率所屬耆老農夫照九卿耕藉例行九推之禮雍正二年奏定頒發耕藉所歌三十六禾詞一章五年定耕藉儀注每歲耕藉之

日祭

先農壇禮畢各官俱更蟒袍補服正印官秉耒佐貳執青箱播種耕時用耆老一人牽牛農夫二人扶犁引各官至耕藉位南向立贊禮生贊進耒耜正印官右手秉耒贊

進鞭正印官左手持鞭行耕藉禮九推九返農夫終畝
耕畢各率耆老農夫行望

闕三跪九叩禮畢退其農具用赤色牛用黑色箱用青色
所盛籽種悉從各處土宜

耕藉三十六禾詞光華日月開青陽房星晨正呈農祥
帝念民依重耕桑肇新千藉考典章吉蠲元辰時日良
蒼龍鑾輅臨天閭青壇峙立西南方犧牲簠簋升芬芳
皇心祇敬天容莊黃幕致禮虔誠將禮成移蹕天田旁
土膏沃洽春洋洋黛犁行地牛服韁司農種稔盛青箱

德化縣志

卷十一 建置

壇廟

八十二

洪縻在手絲鞭揚率先稼穡爲民倡三推一墾制有常
五推九推數遞詳王公卿尹咸贊襄甸人千耦列雁行
耰鋤旣畢恩澤滂自天集福多豐穰來牟蕎薺森紫芒
華薌赤甲秬稗秠秠三種黎白黃稷粟堅好碩且香
糜芑大穗盈尺長五菽五豆充壠場粢粢縻繫九色糧
蜀秫玉黍兼東廡烏禾同收除童梁雙岐合穎遍理疆
千箱萬斛收神倉四時順序百穀昌八區九有富蓋藏
歡騰億兆感聖皇

旱雩儀乾隆七年定每歲遇有亢旱恭行旱雩之禮各

官齋戒禁止屠宰初次在山川壇祈禱陳設鼓樂其祭品及祀儀俱照每歲致祭

山川壇之例自此七日如仍未獲雨再於社稷壇祈禱陳設鼓樂祭品及祀儀俱照每歲致祭

社稷壇之例雨降行報祭禮儀同

祭祭儀乾隆七年定每歲遇有靈潦爲災恭行祭祭之禮各官擇日齋戒禁止屠宰用午時於南門水集最湧之處南向設城門神位望祭其陳設不用牲幣惟陳酒脯籩豆之屬儀用小祀祭畢聚衆擊鼓凡三百三十爲

德化縣志

卷十一 建置

壇廟

八十三

一通連擊數十通而退此後每日擊鼓如數至七日未晴仍致祭如前俟晴行報祭禮儀同

祝文乾隆九年頒行

文曰詔命臨民職司守土惟兆人之攸賴竝藉神功冀四序之常調羣蒙福蔭必使雨暘應候爰占物阜而民安庶其寒燠咸宜共慶時和而歲稔仰靈樞之默運聿集嘉祥襄元化以流行俾無災害

附邑令之任儀邑令之任其前一日齋戒宿於縣之城隍廟至本日黎明時陳設牲醴等物祭告於

城隍之神行二跪六叩禮初獻讀誓文畢行一跪三叩禮
亞獻終獻如前儀畢又行二跪六叩禮興焚誓文畢至
縣署堂上設香案於露臺東北向具朝服謝

恩行三跪九叩禮興換服入內署安香火司命畢出堂行
拜印禮四拜興入座諭僚屬受叅見署文案發放畢退
至三日後行香巡城視學查倉庫禁獄諸務以次舉行
朔望儀每月朔望日黎明各官俱詣

文廟

關聖帝君廟上香行三跪九叩禮畢次詣

德化縣志

卷十一 建置

壇廟

八十四

城隍廟上香行二跪六叩禮畢退

開封印信儀順治初年定凡封印後不理刑名不辦事
如有要緊事仍行辦理凡開封印信日設香案東北向
行謝

恩禮三跪九叩開印則先行禮而後開用封印則先封固
而後行禮